



文苑補敝

二

須教文  
教命文

卷六

~ 20  
2687  
3



20  
2887  
3

文苑黼黻續編卷之三目錄

頌教文二 尊號謚號 附廟 文廟從祀 討逆

貞純王后加上尊號頌教文

貞純王后孝懿王后尊崇頌教文

貞純王后加上尊號頌教文二

純宗大王上尊號頌教文


純宗大王追上尊號頌教文

大王大妃殿加上尊號頌教文三

翼宗大王追崇頌教文

貞純王后附廟頌教文

文苑黼黻續編卷三目錄



正宗大王預定世室告廟頌教文

正宗大王紉廟頌教文

孝懿王后紉廟頌教文

純宗大王預定世室告廟頌教文

純宗大王紉廟頌教文

憲宗大王紉廟頌教文

文正公金麟厚從祀頌教文

丁卯討逆頌教文

壬申平賊頌教文

文苑補遺續編卷之三

頌教文二 尊號謚號 附廟 文廟從祀 討逆

貞純王后加上尊號頌教文 正宗乙卯○同時上莊

百祥昇臻履景運於絲曆五慶咸湊賁彝典於闡徽

載舉絳儀誕敷綸誥竊惟我太母懿範允邁古哲后

徽猷黃裳配乾極之尊祥膺星婺彤管著臨壺之德

頌播女堯在先朝克贊文謨而今日寔荷慈覆萬世

之宗祚永鞏保佑寡躬十行之徽札誕宣扶植大義

肆皇天降道百之祿迺聖壽躋望六之期玉度逾康

長樂之萬年齊祝寶籌彌邵大衍之一策新添膺景



既之如川符先甲稱慶之會顯輿情於晝日矧小子  
崇奉之忱猗闕宮盛德之難名自儲闈令聞之夙著  
備宵駕而翼翼克遵周文王三朝望雲輅而皇皇實  
邁滕世子五月軍國機務之代理允矣日月重華盤  
孟帳辟之有銘大哉天地洪度甲午之筵教昭揭於  
戲不忘翼子之燕謨永垂俾昌而熾迨舊甲幸值維  
卯又誕辰乃屆建寅一清之昌期載周緬惟是年是  
月千乘之孝養靡洎詎堪此時此懷惟我家荐至之  
休固知眷佑之攸篤嗟昊天欲報之德政合情文之  
加隆亦粵慈宮思齊京室陰功丕贊於舜攝化洽家

邦積慶光啓於文孫祥叶日月茲以知年之喜益篤  
愛日之誠左右就養之無方情自切於愉悅前後掄  
揚之未盡恩曷報於劬勞方山祝騰億萬於千而海  
籌儼六旬有一璇杓呈瑞仰萱暉之彌長寶曜增光  
猗花甲之重屆符至德於博厚悠久九五福一曰之  
休嗣徽音於莊烈仁元四百年三有之慶養親莫若  
養志非昧謙挹之衷得壽其必得名宜盡賁隆之美  
顧予二紀在御寔是諸慶餘庥奉慈歡而導太和獲  
迓申命承天休而撫熙運敢曰已治敬德為祈永之  
要揚一念於无逸人瑞著錫福之驗幸萬民之共躋

文苑叢書 續編卷三 二  
連年賓批之敷心縱拂群籲同日庭賀之飾喜式遵  
藝章乃於本年正月十六日加上睿順聖哲莊僖惠  
徽翼烈明宣王大妃殿下尊誦曰綏敬十七日追上  
思悼綏德敦慶弘仁景祉莊獻世子尊誦曰章倫隆  
範基命彰休加上孝康慈禧貞宣惠嬪邸下尊誦曰  
徽穆于殿于宮頌萬壽而奉冊畫情畫禮薦八字而  
揚徽煥其文而鏤玉書金播之詩而被絃越石循舉  
國大同之願竊幸慈心之勉回闡在天於昭之光然  
後孺慕之少展惟茲臨殿受賀之舉亦出賁歡述事  
之方今天其命歷年矣但一人之有慶每歲願如此

日嘉興四方而同休遂推興孝之仁爰及肆宥之典  
云云於戲融融之協氣苟達沐至化於惠雨和風袞  
袞之吉慶連綿躋斯世於春臺壽域

藝文提學  
李秉昂製

貞純王后孝懿王后尊崇頌教文

純宗壬戌

太室舉躋紉之儀景命載迓兩殿晉尊崇之典綉禮  
肇稱祇率藝章誕敷明詒恭惟睿順聖哲莊僖惠徽  
翼烈明宣綏敬大王大妃殿下周室聖妣宋朝女堯  
正壺敷樛木之仁配皇祖建極之治翼儲措磐石之  
固贊昭考踐阼之謨神機嘿運於深宮屢奠宗社之  
爰業陰功載闡於顯誦誕膺瑤冊之煒煌嗟小子不

吊于天惟太母相依為命瞻裘冕之淵靜三朝承止  
慈之恩奉薦帷之儼臨萬機賴仰成之旨闡日星之  
大義有光先休廓蟬竦之群邪於變民俗忠逆進退  
之嚴正朝著肅清民生膏育之永除功化普暢荷慈  
天保佑之德既宗絜之底安顧今日崇報之忱若河  
海之莫量猗我王大妃壹範允邁古哲后閨徽祥膺  
渭梁之嬪基寧王正始之化德合京室之婦嗣文母  
思齊之音雖艱難險巇之時六宮騰簪珥之頌伊勤  
儉恭謹之行八方被絃統之功望仙馭之陟遐曷慰  
崩毀之慟閔眇躬之在疚遍荷覆幬之仁海屋之寶

籌漸高翼小心於喜懼桂殿之春暉長駐藹一念於  
顯敷肆於清廟并祔之餘爰有東朝晉躋之例位彌  
隆於長樂千乘之崇奉有儀禮則宜於我家三后之  
盛事可述祗緣兩聖之謙挹堅拒列朝之典常迨此  
時張大之儀蓋慈心之多憾追昔年精微之義寔懿  
衷之增摧聯顙齋登於滿庭既感回之無望溫諭俯  
降於盈在庶對揚之有辭肆寢功德摸畫之章只舉  
位號加隆之禮尊親之孝為大縱欠二字之掄揚順  
志之道斯存庶期百世之炫燿傳序膺光并之位巍  
乎慈極慈闈之深尊正名舉隆賁之儀煇矣玉篆玉

牒之祗獻羹墻之慕深篤至痛恒纏於終天岡陵之  
壽是祈微誠粗伸於愛日斯推慈恩之曠蕩用霈惠  
澤之涵泓云云於戲運方啓於泰亨物各遂於豐阜  
邦之大夫庶士須贊錫類之洪規嘉與百姓群黎咸  
歸欽福之至化

藝文提學  
黃昇源製

貞純王后加上尊誦頌教文 純宗甲子

揚美闡徽帝王之達孝布德廣慶邦家之藝章綸頌  
十行禮曠千載原夫象德之義厥有鴻號之尊玉檢  
金泥之文蓋做封泰山禪梁父龍紀鳳曆之世亦稱  
堯放勛舜重華雖天地之容日月之光不可繪畫而

詩書所稱竹帛所載於斯考徵竊稽古后妃盛時莫  
如我慈聖徽烈贊聖祖而宣五紀之化健順合乎乾  
坤翊皇考而奠萬年之基文武本之任妣予一人作  
其即位越四載罔非慈恩保寡躬於綴旒波盪之初  
聲色不大敷至治於簾帷履韞之際經權得中宗廟  
社稷之賴安有光三聖母故事叙秩命討之畢舉貽  
我萬子孫宏謨揭彝倫於昏衢春秋炳數十之義躋  
大猷於壽域海屋衍三千之籌猗歟釋茲萬機迺在  
先甲三日始媧皇之補石暫御裘冕之勞今明德之  
含飴永享宮闈之樂辭旨則丁寧惻怛何待韓忠獻

建言舉措則卓越光明實非宋宣仁擬議譬歌器之  
既正不居成功瞻瑞暉之彌長曷以報德爰循大同  
之典願詆揚必得之顯名回三讓之淵衷復發明命  
增七上之寶冊特揭大書無疆惟恤亦無疆惟休繫  
誰賜也非常之業有非常之踰是以宜之茲加上尊  
踰于睿順聖哲莊僖惠徽翼烈明宣綏敬大王大妃  
殿下曰光獻時則仲春陽和之辰允矣六旬康寧之  
福備隆養於千乘功德增高叶嘉頌於六宮吉慶滋  
至寧王之遺志追述孺慕彌新京室之盛儀齊成慈  
顏有喜一年再赦推稀有之慶辰萬品咸蘇罔苟流

之沛澤云云於戲漢降寬大之詔周登思齊之詩奉  
懿訓於三朝知今初服播洪恩於八域同我太平

大提

學李晚  
秀製

貞純王后加上尊踰頌教文

純宗乙丑

孝靡逮於揚徽遽纏至痛禮克備於進號追舉綉儀  
雖在居憂之中詎緩播告于下恭惟睿順聖哲莊僖  
惠徽翼烈明宣綏敬光獻隆仁大行大王大妃殿下  
德協任姒功尊宗祫綸翟之陰教夙彰母儀垂五十  
載簾帷之柔化苟達于惠浹億兆民莫國勢於綴旒  
之餘巍乎聖人之不與奉慈訓於含飴之際允矣小



子之仰成長樂承怡愉之歡慶晚祉之愈熾天保叶  
岡陵之祝喜景貺之彌臻幸今歲寶甲之重回擬是  
月瑤冊之光薦稽列朝已行之典粗伸頌禱之微誠  
仰大德必得之休載議顯揚之嘉誦將欲備物而展  
采先舉賀於月正若乃闡烈而摸功更消吉於春仲  
豈意皇穹之降割奄遭慈馭之上賓玄化莫追覲德  
容於何地綍典未舉痛孺慕之終天肆切嚴廬如事  
之忱爰稱殯殿上冊之禮追前日揄揚之悃在我禮  
而固宜想向時喜懼之情撫予榮而增疚雲輅已邈  
嗟徽音之莫攀玉牒追鐫庶懿烈之長耀銜哀茹痛

縱自忤於情文闡美昭徽詎能盡於摸畫雖踴墮之  
殯切幸儀物之克修睠藝章而增悲皇皇靡及奉顯  
冊而展悃洋洋如臨於戲及民之化既深宜懋錫汝  
保極薄海之慟斯切庶幾諒予至情藝文提學  
黃昇源製  
純宗大王上尊號頌教文純宗丁亥○同時上  
大王大妃殿尊號  
祗承駿命恒懷小心勉膺鴻名寔循衆願用播告於  
八域徧為德於群黎顧惟粵二紀為治常愧無一事  
可述微予否德豈有潢池之警水旱之憂迄茲小康  
尚賴社稷之靈臣庶之力今幸丕子之代攝遂分勞  
於萬幾復見文孫之誕生迺衍慶於百世天其或者

垂佑予實無以致斯夫何歸美之衆情乃以上踊而  
齊請始焉貳極之叫閭數百言敷陳繼與群僚而籲  
庭四五啓申復接列朝煌煌之典顧何功而敢當感  
元良懇懇之誠有不忍於終拂雖然抑志而勉許其  
奈顧名而多慚無德稱於民安有淵乎之為美望道  
未之見尤非顯哉之可論矧茲仁體至大而烏可自  
居若夫福履攸同則不期而獲第以歛敷錫民之義  
有茲布告同慶之音絳儀親臨睠初心而有忸沛澤  
作解諧庶品而維新云云於戲上天之靈既昭承夙  
宵之儆戒深切獨樂與衆樂孰樂期咸囿於太和念

茲名言茲在茲庶益勉於自強

大提學金履喬製

純宗大王追上尊誦頌教文

憲宗戊申○同時上大妃殿翼宗大王王

大妃殿尊號

丕顯謨丕承烈擎瑤牒而追懷思媚姜思齊任加徽  
稱而並耀咸宜同慶爰敷用亶洪惟我純宗大王體  
天其仁躋日克敬睿好不及於服食器用崇儉則監  
于元陵憂念靡懈於兩暘燠寒恤民則法乎正廟氛  
綬永靖猗武功迥出百王邪暴不行惟正學遠紹三  
代三十年嚴恭自度命其用申一二日兢業有邦純  
亦不已惟我太母徽猷懿範允邁前代哲后聖妃二

南之陰功肇基儼翟緯於中壺七載之慈化丕闡抗  
裘冕於東朝長樂供懽膺隆養於千乘壽域駐景躋  
寶籙於六旬猗我翼宗大王德協禹明位主震鬯遵  
九經四勿之訓元良以貞係八方萬姓之望庶政其  
代勤晉接於三晝禮樂兵刑之軌垂詢咨修明經於  
四時薦裸興俯之悉合規度猗歟巍功蕩德之受天  
祿思繼序而其皇於乎深仁厚澤之洽民心殆沒世  
而不忘粵我慈殿克合坤元媿寧考而著柔嘉之儀  
六宮之葛藟播頌翊冲子而啓緜衍之慶百世之本  
支無疆朝周寢於日三慈天庇覆祝幽觥於望五寶

婺輝光顧吉慶並湊於今春伊加隆寧緩於是日恩  
深保護睽岡陵而願言禮重揄揚寓羹牆而興慕稽  
之彛章而則有斯乃我家之攸行詢茲廷議而皆從  
允宜絳儀之亟舉乃於本年三月十五日追上純宗  
大王尊號曰體聖凝命欽光錫慶十六日加上大王  
大妃尊號曰隆禧仍於十五日追上翼宗大王尊號  
曰體元贊化錫極定命十六日加上王大妃尊號曰  
獻聖鏤金雕玉帛任欣愴之交並繪日摸天爭覩儀  
文之煇備既祗告於清廟仍申賀於大庭誠彌篤於  
追先事曠簡冊孝為大於養志歡溢澁隙推一世曠

絕之恩飾慶志喜霈匝域芻流之澤蕩垢滌瑕云云  
於戲物采用章情文允協承磐泰千億之業鑄至治  
於景星卿雲頌期頤萬八之齡囿斯民於春臺玉燭

藝文提學  
徐箕淳製

大王大妃殿加上尊誦頌教文

憲宗丁酉○同時  
上王大妃殿尊誦

太寢宗勛華之德並升明裡京室嗣任妣之徽同晉  
顯冊其禮則國朝故事是日也月正上旬荷太母懿  
範隆功邁前代聖女哲后自純祖冕迎之日誕敷三  
十載蘋藻之治逮翼耆耇懸之辰永基億萬年瓜瓞  
之業原百福之始而婉愉先於殿宮資萬物之生而

勤儉本於家室方玄統之騰誦遽蒼旻之降災維岑  
之笙鶴未回民胡無祿喬山之弓劍莫逮理實難謀  
迺者宮闈抗裘之儀寔軫宗祊綴旒之勢翟綸降哀  
痛之教勗以先君麻冕荷鞠育之恩閔予小子俟聖  
不惑有若增七廟之制定百世之獻繼列朝之編視  
民如傷以至蠲東州之採停南路之織轉北方之粟  
雖薦帷主於靚邃象魏懸日月之明而幘幪遍於通  
遐肖燠涵雨露之澤彤管之摸厚地史不勝書玉牒  
之頌慈天典有可攷亦粵我大妃思媚之譽寔贊前  
寧人造端之休襲芳猷於長秋婦道克慎迓純祺於

彌月母儀采隆舊愴重以新哀暨今日尚賴保護慈  
恩兼乎嚴訓無一事不勤提撕璇闈承三朝之歡恒  
祝海籌之添慶斑衣供千乘之養益思春草之報暉  
肆於二廟躋祔之餘合有兩殿崇奉之舉儀文貴新  
於南面孝以顯親為先位躋咸宜於東朝禮惟備物  
而後神憲仁粹之順序世德作光慶壽隆祐之辨名  
古訓是式揄徽闡烈固無間於徽衷居正表尊儘莫  
尚於太上謹奉冊寶尊明敬大王大妃殿下加上尊  
號曰文仁尊王大妃殿下上尊號曰孝裕邦典上告  
而下布天運否往而泰來文室則顯武室則承縱虛

雲之疇欽王母之福壽母之喜庶靈春之長留寰宇  
聳觀奚但縟禮之丕飾雷兩作解寔惟慈德之普推  
云云於戲吉祥之事皆臻太平之象可見山川草木  
摠入于育之仁松栢岡陵舉仰申錫之美大提學趙  
寅永製  
大王大妃殿下上尊號曰文仁尊王大妃殿下上尊  
號曰孝裕邦典上告而下布天運否往而泰來文室則顯武室則承縱虛  
驗必世仁先王之熙事遠歲興一國孝三殿之徽躋  
載颺寔由予小子至情匪直我列朝彝憲恭惟明敬  
文仁光聖隆禧大王大妃殿下維天祚宋維任思齊  
迨直勞來作民父母郝俞吁咈欽厥臣鄰整頓乾坤

曾不動於聲色憂勤宵旰恒靡甘於寢飧社稷靈長  
五十年之弘覆林慈滋殖億兆人之依歸猗歟孝裕  
獻聖王大妃殿下毓慶名門儂尊宸極教不出於宮  
壺萬姓顯印化自及於家邦三紀悠久瀉納佐攝堯  
之政頌聖人之哲妃先烈贊興漢之治以明王而為  
子懿聞播於八域柔惠基於二南亦我大妃殿下吉  
叶黃裳譽溢彤管貞忠鍾社膺沙麓之休祥中正嗣  
音婉滄山之嘉範幽閒淵靜亶自性成泚慎温恭動  
合內則方繁沚之騰詠奄梧野之纏哀惟予眇末之  
姿叨承艱大之業追尚冠之古事恩斯罔涯續曆服

之無疆德恐不稱時月逾邁曷慰榮疚之衷晨夕茲  
承祗切顯揚之念先君之思以勗太母之福受茲屬  
既祥且禫之辰有范金鏤玉之禮誠深愛日事莫大  
於尊親效在慕天典彌隆於撫美萬一之酬報在此  
敢曰忱恂之少伸今昔之憲式可稽惟仰聖善之克  
闡洎穀朝而齋悃忭椒滄之延禧謹奉冊寶加上大  
王大妃殿尊誦曰正烈王大妃殿尊誦曰宣敬大妃  
殿尊誦曰明憲厚地不騫畀遐祿而孔固高穹默佑  
配前烈而增光肆用十行誕敷率與四方同慶云云  
於戲霈澤既荐非緣豫享之道岡陵是祈詎靳浚施

之典 大提學趙斗淳製

大王大妃殿加上尊號頌教文 當守壬子

有聖母成之者遠膺駿命於瑤圖曰大德必得其名  
 闡鴻徽於玉牒猗二字之揚美誕十行之播脩恭惟  
 有宋之女舜女堯在周則太任太姒值宗社艱虞之  
 會御薦帷如淵冰軫寒暑怨咨之憂莫滿壑於衽席  
 討有罪命有德秋爾春生富克儉貴克勤宵衣旰食  
 遂使八域含生之類咸囿五紀厚載之恩顧寡躬式  
 至今休伊慈德欲報罔極暨殷宗舊勞于外曷膺曆  
 數之歸授夏后允執厥中祇奉精一之訓先君思以

勗寡敬哉天心人心小子何莫學夫善之母道師道  
 凡於節宣訓誨之際不啻面命而耳提至若咸和懷  
 保之方敢曰躬行而體認啓佑我後罔缺賴履燾之  
 洪恩正位乎內以貞揀窈窕之嘉耦荷此一念之曲  
 庇逮今四載之仰成一日釋萬幾之煩才承儀鸞司  
 宣旨三朝隆千乘之養粗效長樂殿奉歡肆億兆之  
 同情效萬一之闡美微忱自切於報答固知親莫大  
 乎養孝莫大乎尊至化雖難於名言曷不天謂之曰  
 高地謂之曰厚仰平日撫謙之念縱斬縟儀之荐行  
 稽列朝崇賁之章莫遏廷議之率籲敢擬摸天之大

少仲愛日之誠窺管測蠡雖未盡形容一德泥金檢  
玉亦足為揄揚千秋謹奉冊寶加上尊跽曰宣徽攀  
玳絨而義問宣昭綿寶籙而徽範丕闡茲循中外願  
祝之願爰舉上下告布之儀鴻跽載晉於萱闈鳳綵  
誕浚於葦屋推慈天憫懔之化春暉長回泰之辰共  
寰宇林慈之倫雷雨沛作解之澤云云於戲非欲為  
多儀之豐豫庶可期先烈之此觀凡我庶士大夫普  
騰燕喜之嘉頌同汝群黎百姓永受龜疇之錫敷

提學李鶴秀製

翼宗大王追崇頌教文

憲宗乙未

燕謨祗承於翼子攀慕彌深鴻跽追隆於顯親愴慶  
交切縉禮載舉明誥誕敷恭惟翼宗敦文顯武仁懿  
孝明大王德著元良體正世嫡十九年春宮養德仁  
孝聰明之姿數千里蒼生係望敦懿溫文之譽體重  
宸身教之化令聞丕彰行類宮齒讓之儀睿學夙就  
稽古典於舜攝受丕托於啓賢藹睿誠於一日三朝  
洞洞然奉盈執玉佩懿訓於九經四勿兢兢若臨深  
履冰八綵繪真擎寶幘而題標九爵稱壽奉玉牒而  
揄徽經典堵床燕居無芬華之累琬琰在序餘事為  
雲漢之章弄秘典於皇壇風泉寓感攝大享於清廟



流瓊齋誠遇災則必警惕而責躬恤飢則若恫瘝之  
在已虛懷納諫致直言之胥徠選賢任能搜遐遺而  
靡滯星重輝海重潤將見大有為之治日所照露所  
濡孰無少須臾之願嗟皇天之弗吊恫巨創之奄罹  
大德莫報於恩勤慟徹穹壤真遊已邈於陟降慕切  
羹牆迨眇躬叨承丕基宜彌位誕舉顯跡微稱加隆  
於追王厥有姬周舊規彝典彌光於尊親謹稽真廟  
故事念先王制禮之意所貴因情而聖人興孝之治  
寔重報本况我家自有制也於予心獨無忤乎肆酌  
古而率教章庸誦吉而進寶牒蜚聲騰實誠粗伸於

顯揚正位尊名禮則然於隆報節惠則表二字而昭  
揭恪遵大行朝垂褒豐享則俟三年而光躋敬奉我  
慈聖徽教臣民聳忭宗祏增光追慕終天嗟永違於  
定省崇奉有地庶少答於劬勞斯乃禮之至事之宜  
情文罔缺猗歟位必得名必正昭穆丕承茲將十行  
播脩嘉興一國同慶循舊典而赦過宥罪解澤均霑  
沛新令而推惠加恩浚音誕降云云於戲追當日錫  
類之化樂利親賢懷群黎歛福之治會歸彝訓

徐有  
集製

貞純王后祔廟頌教文 純宗丁卯

喪制甫訖於殷廬采增慨廓之思緝禮載薦於魯廟  
聿修陞祔之儀肆當播告之用申尚覺餘哀之未已  
恭惟貞純王后在周太妃若宋宣仁昔皇祖五紀之  
致治翼聖化於簪珥逮寧考萬幾之代理贊丕策於  
宮闈長樂享含飴之懽千乘之誠養備至大庭揚獻  
冊之禮三殿之和氣常融嗟皇穹降割于惟庚而慈  
恩偏隆於小子冲年叨艱大之業懼堂構之或隳東  
朝勤保佑之功御簾帷而同聽裘冕抗尊於四載措  
國勢於磐石泰山鉄鉞有辭於千秋扶吾道於狂瀾  
砥柱顧陰化未究於率土而徽音奄闕於終天長秋

之瑞甲重回政擬瑤觴之稱壽雲鄉之真遊遽促忍  
覩寶婺之掩輝風樹之至恨尚纏慟仙馭之不返日  
月之流序莫淹愴神幄之將移迨茲裕饗之吉辰爰  
舉躋祔之盛典箴玉冊於太室猗歟微烈之永垂儼  
寶座於同龕庶乎神理之以豫儀容寢邈孝子之追  
慕無窮吉禘載陳先王之制禮有限雖情文之罔缺  
奈悲廓之如新清道之仙仗是瞻如有追而不及闕  
宮之明經祇薦冀綏我而思成陰教夙著於滄山幾  
仰啓後人之烈殷禮咸秩於景寢用賁衍烈祖之章  
纒撤清廟之登歌復循廣廷之誕告洋洋如在其上

文苑備考 卷三  
徒增愴於焄蒿戚戚有感于中顧何安於袞黻追念  
平日廣惠之德宜推遐邇通一視之恩茲當饗事告成  
之餘詎無肯災肆赦之澤云云於戲軒懸復作於殿  
陞難禁愴舊之心彤蠻並流於寰區咸歸維新之化

藝文提學  
曹允大製

正宗大王預定世室告廟頌教文

純宗庚申

喬山之弓劍永闕抱至慟於嚴廬法庭之絲綸肇頌  
秩宗祀於太室贊我先美格汝多方雖在亮陰之時  
厥有代言之例恭惟我正宗文成武烈聖仁莊孝大  
王師道在上心法執中溫良恭儉得之惟聖性者副

健純粹精也為君巍乎別嫌明微有初元不貳本之  
諭開來繼往任斯文大一統之權通天下之志定天  
下之業斷天下之疑體道如堯舜禹湯文武合萬世  
之心傳萬世之語演萬世之理修辭如詩書易禮春  
秋居之安則資之深江河若決仁之精而義之熟天  
地同流博厚悠久之化成叙秩命討之備具造化則  
妙合於太極譬之若明月萬川尺度則一準於考亭  
約以為崇陽百選學問思辨履之也篤守之也堅緝  
熙光明言而有教動而有法在宗廟朝廷則必敬在  
燕洧蠶濮則必慎壹是嚴公親宦官宮妾之時少親

文苑備考

續編卷三 頌教文

十一

文苑叢書  
續編卷三  
十一  
賢士大夫之時多尚云疏節鳶飛魚躍所存者神雲  
行兩施不言而喻倬彼昭漢燿乎其有文章歛却神  
功窅然若無聲臭猗歟明義一部展也垂法千秋噫  
醞釀有浮辛壬行誅討以溯戊己燁如風生而雷厲  
鈇鉞下於青冥邈焉山高而水清龍蛇化為赤子至  
于末命揭若彝常夏鼎之列象昭森不逢不若魯史  
之斷例微婉莫重莫嚴熙運啓千五百年至治撫二  
十四載銀籀成而聖諭浚天人皆歸金滕啓而睿徽  
揚鬼神亦泣對越上帝悅寢門之三朝綏我下民宛  
階庭之千里鴻踰偉績史不勝書日表天光圖不盡

意陶甄受範塊扎無垠漢祠春陵竦聖人而不惑周  
遷灤水占邦命之維新肅齋令以承祭祀順親心以  
事殿宮為政莫先於孝端士趨而闢諛淫泚人志而  
靖風俗大德必得其名仁聲令聞之所宣昭太和元  
氣之所融液君臣父子夫婦長幼之序皆循其宜句  
萌肖螟蜚潛動植之倫各得其所何必肉刑封建然  
後有三代之風始知統宗會元所以當一治之運嗟  
皇穹之不吊奄真遊之莫攀前寧人圖功攸修御黼  
座而眩目予小子未堪多難睠綴衣而摧心名山無  
檢玉之篇愴想淵衷之謙抑清廟有載絃之頌孰摹

聖德之光輝際茲徵士之言率乃先正所訓大中至  
正之體歷歷指陳百世不祧之儀斷斷血懇仍將西  
京之懿典仰請東朝之聖裁玉音誕宣於簾帷綈禮  
克舉於廟室丕承十二聖巍烈之德之純庸闡億萬  
年閔休以享以祀顧寡躬終天靡逮之慟曷云暫伸  
念蒸庶沒世弗忘之思尚亦少慰有虞氏稱文祖藝  
祖匹美先王粵殷家尊中宗高宗取法今日茲於本  
年十二月初三日以正宗大王尊為世室事親告于  
孝元殿又遣大臣告于宗廟永寧殿景慕宮既上下  
之虔告式中外之播脩是月是辰忍說同德之會如

疑如慕倍切孚踊之時於此乎於彼乎孔邇陟降盡  
善矣盡美矣允叶情文日月光臨若為愀如見之感  
雷雨作解宜推咸與新之恩云云於戲若生子罔不  
在厥初想前烈而增惕受多福終有辭永世奉成憲

而交頌

弘文提學  
尹行德製

正宗大王拊廟頌教文

純宗壬戌

制闕諒闇方抱慨廓之慕禮成清廟爰舉躋拊之儀  
茲將三載餘哀庸敷四方多誥永惟我寧考盛德至  
善夙越古明王偉烈洪功聰明仁孝之夙彰展也天  
縱之上聖劉健綜密之嘿運允矣日躋之純工學問

則瀛洛關閩之是宗上溯孔孟之正路治謨則皇王  
帝霸之必辨不屑漢唐之少康踐阼初元誕敷惻怛  
之諭明義一部勒成謹嚴之書宗統先正於致隆確  
乎建天地之義皇恩深追於字小逮矣愾風泉之思  
猗歟二紀光臨燬乎三代丕理禮樂刑政之已備爛  
制作而郁彬廟社郊壇之寅承雖攝將而齋邀上辛  
虔祈年之享果驗屢豐之徵先甲頌牖世之音每戒  
泮澳之象是謂於緝熙而致純粹咸仰極高明而盡  
精微心法遠紹於執中尚詢逢掖之管見乾綱摠攬  
於在上至採草野之蕘言文章若決江河典謨誥訓

之體制施措動合規矩開石和勻之尊嚴至若敬天  
而勤民亶由惟聖而盡性水旱災異之警懼一心虔  
對越之誠飢饉疾苦之撫摩十行藹憂勤之念天經  
地緯敬守皇朝之訓猷玉篆金泥光揭太母之功德  
謙衷屢拒於揚跽蓋無樂乎千乘斯道彌光於闢談  
會有極于一統五晦綸綽奚啻懸象之法程三畫詢  
詔不違清燕之暇逸巍巍有成功也期大猷之允升  
蕩蕩無能名焉謂盛德之必壽嗟靈臺中身之將屆  
而五几末命之遽揚昂湖之弓劍永遺嗟皇天胡寧  
忍此豐作之同瑁斯受而小子將誰庇依仰女堯之

臨朝雖幸慈天之覆憐哀群黎之無祿曷慰率土之  
攀踊肆稱世室之藝章庸副舉國之顛望祖功宗德  
昭承十二聖烈光春祠秋嘗永奉千百禩經饗喬山  
之歲月屢換居然祥禫之制除寢殿之筵几將移繼  
而陞祔之禮在八月初九日躋祔于廟有事于祖繼  
序其皇倣殷廟觀德之儀文昭武穆之有秩誦周雅  
并歌之什玉相奩章之如瞻珪幣交將於尊藝禮儀  
濟濟鐘鼓迭奏於庭簾陟降洋洋綏我思成薦苾芬  
而增惕訪予落止御黼宸而何安想先朝好生之仁  
宜懋恢蕩之典推今日廣惠之意斯霈涵宥之恩云

云於戲軒懸不作於賀庭式遵徒月樂之教盼靈芻

流於寰域永迓自天申之休

藝文提學  
黃昇源製

孝懿王后祔廟頌教文

純宗癸未

日月逝矣禮制奄闕於亮闇宗廟享之緝儀誕舉於  
隣祔申茲播告未忘餘哀言念太母之聖德懿猷允  
邁前代之哲妃賢后皇祖喜稱嘉婦五世嗣京室徽  
音寧考曰有內治二紀敷中壺陰化簪珥之警練錦  
之儉女史美不勝書蘋蘩之誠摶葛之恩宮人樂稱  
其德小子不吊於庚歲冲年惟依於東朝鞠育恩勤  
必教以義節宣寒暑惟疾之憂私恩不到外家流水

游龍之尚存戒精義克遵先志鏤金檢玉之無能言  
雖至靜含章一言未嘗及朝政而厚德載物萬品皆  
得資陰功衍餘慶於重輪晚景供舍飴之樂備隆養  
於千乘三朝效視膳之誠深愛期奉於萬年至痛遽  
纏於一夕昊天德未報孤露之哀何堪喬山之劍  
烏莫攀霜露載變長樂之簾帷永閔風樹增悲回舊  
紀於渭梁庭賀如昨舉緬儀於灤寢徽教悅承見羹  
牆而明發有懷愴楮捲而出入含恤魂殿密邇尚慰  
晨昏之瞻依神幄倏移其奈光陰之迅邁先王之禮  
不敢過中月外除七世之廟可以觀吉日并配五月

初二日齋拊於廟載舉藝典式薦明禋右烈考而同  
龕儼然有見格文祖而裕享綏我思成奉玉瓚而升  
馨香洋洋如在拊朱瑟而迭唱歎切切而哀紀事孔  
明重屋之禮繞訖情文罔缺大庭之告誕宣嗟爾多  
方親賢樂利之類孰非先后慈育仁覆之人以予終  
天靡逮之心慰汝沒世不忘之思體平日好生之德  
敷匝域肆赦之恩云云於戲想遺化於五十年母臨  
孰不愴廓沐餘澤於億兆民子惠庶垂冥庥

秀製

純宗大王預定世室告廟頌教文

憲宗乙未



至治比三代隆奉遺烈而纏慕盛德必百世紀遵古  
典而伸虔爰敷德音庸答興頌嗟寡躬縱在深墨而  
盛舉宜有代綸言念太廟致隆之儀厥有世室不祧  
之禮雖文昭武穆之序若四時之當遷然祖功宗德  
之稱歷萬代而毋替肆殷人之三后并配不在世數  
之中亦漢家之二帝追尊非待親盡之後逮我朝列  
聖之繼作伊故事廟禮之之徵上下五百年治平至  
今日式克休矣前後十三室崇奉自生民未有盛焉  
洪惟我大行大王德無能名功莫與競粵自冲齡嗣  
服心法則前寧人攸修泊乎久道化成治體則古聖

王同揆仁孝恭儉之為本具衆善於易知易從聖神  
文武之有臨洵一理於無聲無臭典學造緝熙之域  
新而又新氣像著和平之工物各付物蓋玩好聲色  
之一無為累故政令施措之皆得其宜對越神明處  
幽獨而益惕憂虞夙夜在靜攝而愈勤惟其義理之  
闡昭最為志事之繼述行天討而定國是追當日秉  
執之嚴靖世道而澌人心揭後世遵守之正制治率  
由於成憲好生尤洽於祥刑明正學以熄邪詖去猛  
獸洪水之害殲巨魁罔治脅從致龍蛇赤子之休謹  
天戒而念及兩暘恤民隱而澤先孤寡當壬癸庚呼

之際幾軫發帑而蠲供以乙丙寅畏之哀終底降康  
而消沴凡諸禴祀烝嘗之躬親裸獻壹於至誠若夫  
詞章綸翰之動合典謨特其疏節苟非博厚高明之  
妙叅天地之極功曷致中正純粹之精備聖哲之全  
德休命撫三紀之化罔非儀式刑之方熙運膺一治  
之期普切祈永命之願何皇穹之不吊奄真遊之莫  
攀厚地隆天侔至德而難泯窮山極海涵遺澤而可  
護雖微冊勉進於昔年尚未盡於摸畫而尊謚載舉  
於終事若為合於情文際因廷議而博詢咸請宗祀  
之預定在古而未嘗有是禮則已皆行之何獨吾先

君不然仰平日不自居之哀何敢一分或溢推大德  
必得名之義可以千秋有辭玉音誕宣於簾帷絳儀  
亟舉於廟室攷往牒而惟功德是述斯謂七世之可  
觀在我家而有祖宗攸行將期萬年之並享顧小子  
終天靡逮之慟曷云粗伸念舉國沒世不忘之思尚  
亦少慰茲於本年正月十三日以大行大王尊為世  
室事親告于殯殿又遣官告于宗廟永寧殿景慕宮  
文祐廟既祇告於陟降式播諭於邇遐肇祀允叶於  
神人禮以情備顯親罔間於今古感與喜并廟貌尚  
德奉藝章而綏成宗祫增休配烈光而縣錄愷如見

而孔邇日月光臨思與物而俱新雷雨作解云云於  
戲鴻藻丕彰於享誦冀昭假於禋宗燕翼永裕於貽  
謨並啓佑於繼序藝文提學  
李止淵製  
純宗大王祔廟頌教文憲宗丁酉○同  
時祔翼宗大王  
於乎繼序皇祖祥禫外除茲予大享先王昭穆并祔  
肆將訪落之遺意庸答過密之餘思禮不敢過哀有  
未盡恭惟我純宗大王姿挺上聖運撫太平華渚虹  
流之符尼岑庚降之會在冲齡而懋夙夜基命之念  
逮久道而收終始典學之功致宗廟之敬承殿宮之  
歡放諸東海而準協日月之明包天地之大譬如北

辰其居嗟環域億萬群生勞來匡直之使自得厥享  
國三十四載親賢樂利之於不忘所以聖功神化之  
大成罔非天德王道之極致廓掃潢醜邦討用張痛  
闢洋邪民藝攸叙有夏象物之器魑魅莫逃方春布  
德之綸草木皆樂精義則俟百不惑治法則兼三以  
施國是火定於紹先兢兢乎陰陽澍隱之際天命永  
祈於誠小憧憧乎水旱灾咎之間其惟聰明睿智神  
武而不殺夫斯乃鰥寡孤獨廢疾者有養也矧茲克  
儉於卑室實由丕顯於小心屏外物之芬華宴居驗  
清明之象疇上載之聲臭躬行有玄默之風猗謨烈

無能為名而文章可得而見圖書應奎辟之運化則  
有靈臺為魚制作回雲漢之光奉以為西序琬琰亦  
惟我翼宗大王地當主器之重天開繼照之祥濬哲  
文明堯于勤而舜攝謳歌訟獄禹之道而啓承三善  
一有之資自齒學而謹世子之法九經四勿之旨暨  
聽政而欽聖人之言是知繼述之方皆以仁孝為本  
玉璫歸美甲觀衍萬年之基瑤觴集禧海屋添四旬  
之慶烝嘗禴祀之克愍肅圭瓚而攝儀禮樂刑政之  
允釐叶笙鏞而贊化睿工摠括經史每頌討論之至  
夜分宸藻動合典謨舉仰尊閣之在可上邦有泰磐

之勢朝騰星海之謠何闕運之重罹查真遊之荐陟  
景籙未集於大統鶴馭先催遐籌不及於中身烏弓  
繼抱神雲歛蒼梧之野哀小子之藐孤慈天臨紫微  
之垣幸太母之閔覆漢家世獻縱或伸舉國大同之  
情周王追尊豈能慰終天靡極之慟寓羹牆之深慕  
寶閣訖編摩之工拓壇墀之舊規太室就礮密之役  
肆當慨廓之日厥有并紉之文流光易道居然雕几  
之永徹彝典克備時則玄服之皆將因裕事而迭遷  
三年之喪既畢奉彌位而咸秩七世之德可觀晨昏  
之尚有瞻依神寢孔邇雨露之深增怵惕靈龕云遐

本年正月初七日躋紂于廟犧尊盈字龍旂承禧祖  
 有功而宗有德列聖之陟降洋洋陳其器而設其衣  
 多士之奔走濟濟喪祭有受牲幣藉壬戌之攸行孝  
 思無窮軒架遵正廟而不作陶遂之誠方切休恤之  
 憂亦多體元履端愴物采之如舊滌瑕蕩垢喜霈澤  
 之維新云云於戲嘉與父老軍民昭告駿惠之頌自  
 此春臺化域祗承燕詒之謨大提學趙寅永製  
 憲宗大王紂廟頌教文當宁辛亥○同時附孝顯王后  
 三祀其惟不言亮陰之制奄闕七廟可以觀德中月  
 之紂載成用亶播修致則存著蓋有達乎禘禘之義

乃克彰夫統序之倫帝王與匹庶不同先儒之定論  
 既確昭穆以嗣承為次歷代之遺文可稽惟我憲宗  
 大王睿智聰明憲章祖述際積累休養之會建剛健  
 中正之治華渚流虹符宋藝之隆運明堂負宸在周  
 成之冲年惟仁為萬善之原惟孝為百行之本商寢  
 虔駿倣之節神時嘉歆灑朝盡哭泣之哀觀者大悅  
 揚玳檢而奉瑤觴之祝允協忱誠拓璿璣而續寶鑑  
 之編善述志事自夫機務之明習尤於懷撫而憂勤  
 一遇旱澇饑荒溝壑莫於衽席凡係政令施措雨露  
 先於霜雪肆致庶績之咸凝遂底三登之豐峙簪履

晉對若家人父子者然冠帶燕居接官官宮妾時少  
至化則民皆思見美政則史不勝書赫矣十五載光  
臨春秋昂盛悠哉億萬禩永命日月恒并何真遊之  
不淹遽熙事之此訖中途未半拊地絃之普寃小子  
多難賴簾帷之宏覆雖虛雲之遠曠聲臭猶攀奈歲  
序之流嬗音容寢邈猗歟我元妃懿範卓然古哲后  
徽謨彤管播謠華閱毓忠貞之慶黃裳正位淑塗傳  
窈窕之章二曜騰輝義重齊體百姓奚恃悲深蓄齡  
仙陵幸紉於同岡恭認神理之無憾練主久安於別  
殿實緣廟制之莫嚴屬茲慨廓之辰厥有濟享之舉

編織甫稅先王之禮敢過雕几載遷都宮之規斯在  
本年八月初六日躋紉于廟永念真宗室祧奉寔由  
經變間證援以四親未盡之親詎議夾箴之典惟五  
世已滿之世架仰登進之隆寓羹牆而愾噫陳衣器  
而怵惕玄服趨駿奔之列悅陟降之於昭朱紘奏象  
成之音愴過密之餘思迺於訪落之始式遵告布之  
儀推沒世不忘之心匪違豫亨之道欽平日好生之  
施爰行浚解之恩云云於戲耳目覩記之攸詳物采  
典章之如舊效至情於陶陶遂祗承萬代烝嘗罔  
闕澤於皞皞熙熙嘉與八方黎獻

大提學趙  
斗淳製

文苑叢書  
文正公金麟厚從祀頌教文 正宗丙辰  
天降真儒玉闡文明之運德合崇報聿舉躋享之儀  
庸副群情先表予志言念聖應配儒賢之典實為斯  
文明道統之要夫子之宮墻斯尊非聖德而孰與後  
學之模範攸在庶正路之不迷肆予自承祖宗洪基  
恐負君師丕責末俗之習尚已痼奈趨向之或歧先  
哲之闡域難窺恐議論之易謬佇期皇道同歸之化  
益軫金秤稱正之方緬昔河西大儒蔚為海東正學  
詩出天性詠楓樹而寓丹心姿近生知劈慈根而探  
玄理平生心契獨推天地間二人本原工夫專在大

小學兩部理氣互發之辨折衷大儒道器一物之非  
剖析諸說綱常自任秉執則至正大中規矩是循踐  
履則下學上達是以百世師表之評已為一時公共  
之論其道也繼瀟溪開後人之功于時則際孝陵賁  
太平之治魚水之契已合自青郎而受知風雲之期  
暗親錫墨畫而寓意黼黻協贊之化幸有其人笙鏞  
賁飾之休佇見當日邦意上天之不吊遂自下邑而  
永歸七月窮山幾灑蒼梧之冤淚一片丹旒不改玉  
果之舊啣嗟事業未展於當時而功化尚賴於末學  
備道德節義之盛宛然三代上典型明君臣父子之

倫允矣千載下標準撐天之天網永樹隔晨之曠感  
采深祥麟瑞鳳之儀幾切時不同之恨良金溫玉之  
質實有知者希之嘆終始進退之間惟義是視雍容  
出處之際無跡可尋於是孟氏之統有傳始知子思  
之功為大瞻鰲山杖屨之所非無妄靈之祠顧芹宮  
遺豈之班宜備服食之禮事不偶爾幸群議之僉同  
表而出之若天意之有相國人賴以矜式多士舉有  
依歸接洙泗洛閩之流淵源遠矣躋靜退牛粟之列  
春秋享之云云於戲文在茲之微道自此不墜菁莪  
樂育佇見作興之休衿紳聳聽孰無觀感之效

藝文  
提學

具庠  
製

丁卯討逆頌教文

純宗丁卯

天網恢恢魑魅久逃於禹鼎王章亟舉鯨鯢咸伏於  
舜刑咨爾多方聽我明誥惟予寡昧叨承艱大之業  
粵自冲幼之齡荷東朝保佑之恩得有今日思先志  
繼述之道若臨深淵念寧王達孝盡倫即聖人正經  
大法蓋其斟酌情文之至固可質諸鬼神苟有干犯  
義理之造亦嘗待以斧鉞此如日星之昭揭實是天  
地之共臨雖豚魚之至頑庶幾孚格奈龍蛇之難化  
敢欲矯誣寔至今逆變之層生乃從前禍本之有自



噫彼龜柱近屬濯龍之籍久稔王鳳之凶謀弄朝權  
始若患得而患失圖移國本馴致不奪而不饜群不  
逞之萃淵已成糾結之勢三大罪之斷案益著危逼  
之機幸賴女堯舜翊扶縱未售滔天之凶計敢引大  
明律句語不但為先朝之逆臣愾口殆雲夏所無凶  
心此鏡夢尤甚漢祿天生戾氣逆戚至親迭發八字  
之凶言可謂是叔是侄謀危萬年之宗國遂至無父  
無君雖緣一二秉義之人計莫得遂乃與乙丙搆禍  
之類罪實相關噫群賊之和應死友量鏃顧衆惡之  
世濟恃子日觀燬之恩遇何如宥處難忘值邦運之

罔極願何等時謂此機之是乘孰不可忍手握天憲  
惴惴焉莫敢誰何首獎賊魁汲汲乎如恐不及前席  
肆降在之奏甘與先王而背馳暗室喉綢繆之謀反  
詡老臣之忠愛裕一種醜類兩燬私人都人之疏辭  
至凶安默為其羽翼洪流之詩句極愾海玉從以唱  
喁首尾合為一身堪痛衣鉢之相授頭面幻出千狀  
實由根株之未除乃若達淳滿腹禍心托身賊黨初  
筵之拳語絕恃誣逼至及於雲鄉後疏之設意轉深  
侮弄敢試於宸極述凶燬之緒論蓋非故於一夕一  
朝聽妖澄之指揮益難掩於十手十目賊變於是極

文苑補註 卷之三  
矣民彛從此數焉敬身以遐土蟻虱之微為逆窟卵  
翼之物誣蠆之言自倡至誘無知之騃童怨懟之心  
愈彰肆引思亂之悖什倫常滅於即地痛矣三條之  
逆招見間熟於賊窩灼然一串之凶肚鎬是狼子先  
入之見自輸郝雖蠢氓知情之律焉遁凶供已具於  
鐵案王討宜先於鋤根噫鍾秀逆魯同堂賊龜後殿  
以元惡之血黨全襲元惡凶論則無不主張以莫嚴  
之大義反誣莫嚴國是則必欲力戰入告出語之變  
幻旨意乃敢貪天為功黨同伐異之排鋪機關殆甚  
設穿於國勸乃兄而願留榮賊士流固如是乎在公

座而顯詭翼疏逆腸莫可掩矣蓋千罪自底罔赦由  
一心陰護凶魁包藏相貫於後先誣誤亦及於遐賤  
顧平日全無臣節幸嚴誅之未加逮今年殺諸賊奴  
果真賊之畢露惟萬變咸湊逆圈故群醜益肆凶圖  
非龜柱則無以作鍾秀之依歸非鍾秀則無以張龜  
柱之聲勢顧奚特一轉再轉是所謂前身後身大抵  
此輩之為凶自是所由来者漸猗皇祖止慈之盛德  
恐或闡揚亦闕宮至孝之令譽公肆誣毀所疑亂者  
寧考秉執之精義所沮戲者太母贊成之大婚寢成  
漢賊不兩立之形遂犯神人所必誅之罪恐跋辭之

傳布實為煽動之禍根謂邪說之流行復踵脅持之  
恃習嗟獨儼若是甚也而殄滅不容緩焉逆賊龜柱  
前已追奪官爵漢祿前已追奪官爵仍依尚魯例用  
律燬之前已追奪官爵裕前已杖斃仍依尚魯例用  
律達淳前已賜死敬身以大逆不道陵遲處死仍依  
道雲例用律觀鎬以大逆不道陵遲處死兕郁以知  
情不告依法正刑鍾秀黜享追奪官爵巢穴之掃蕩  
久稽幾歎民志之有溺春秋之誅討始迄獲覩人紀  
之復明國勢奠磐泰之基實幸陟降之默佑王者恢  
山藪之量要令反側而自安陰沴廓而乾坤清政屬

亨嘉之會雷雨作而霈澤降宜推曠蕩之恩云云於  
戲千載之忠逆斯分詎何昧於此義一世之是非大  
定期同享於太平

壬申平賊頌教文

藝文提學  
曹允大製  
純宗壬申討平洪景來亂

漢民盜弄潢池痛一路之流毒周師濯征淮浦幸群  
醜之就殲茲當飲至之辰爰舉浚揚之踊念西土俗  
尚氣義在列朝世篤忠勤值郊駕之播遷蔚然群豪  
之效力逮邢虞之孔棘炳若七義之同聲太師之俎  
豆猶存可見多士之自礪西門之鎖鑰斯壯實賴衆  
心之成城自予臨御以來益勉撫綏之政以文以武

必飭選部之甄收移粟移民恒勤窮節之周恤雖以  
遐陬至愚之賤庶知重宸如傷之心豈料仁賢之邦  
遽有反逆之變駭機猝發於暮夜始也一夫之狂呼  
凶鋒殆迅於飄風乃者八州之連陷凜乎顏平原之  
罵賊義士獨有一馬靡然范陽令之開門亂逆何其  
多也向非條侯東出之舉幾致巢賊西犯之虞逆賊  
景來本以蟲豸之微久稔集獍之惡奸鄉猾校之無  
不締結起自營下小胥強盜流氓之為其脅從至稱  
平西元帥不視天則畫地先倡讖緯之妖言乃戎倖  
而劫符非惟竊據之凶計橫山渤海寔繁無賴之流

綠林黃巾復起有道之世禧著昌始君則齊初士用  
等或藉土豪村富久矣異圖之潛滋或稱術士軍師  
居然同惡之相濟負其牛羊之力甘作爪牙蠢爾豺  
豕之群托為心腹敬行聖翰是叔是侄無父無君縮  
銅綬而典雄州曾非不足棄簪纓而投賊藪抑獨何  
心謂天可欺反效猘狗之吠主乘時助亂輒肆蜂蠆  
之螫人至若蓋淳章謙爾非乃祖之孫乎胡忍從賊  
而叛也雖無金湯可恃之勢固當灑泣而誓師況於  
兵刃未交之前何故望風而輸款修降書而署啣惟  
謹遂作幕中之賓奉偽帖而禮數甚恭堪羞隴西之

士蓋賊造醞釀既久而凶醜滿蔓難圖問延郡中虛  
張鐵騎之陰養伽郿山下倣托真人之天生榜掛都  
門至擬提戈而向闕火焚箕館又欲伏弩而射墉藥  
山有內應之謀幾失險於天塹薩水絕外至之援若  
無固於藩籬肆當賊警之登聞特命王師之出討元  
戎開府既許搏俎之折衝前茅啓行分授羽林之宿  
衛摧狂鋒於博郡列倅揚兵感窮寇於定城三百賈  
勇方賊兵之東趨畿甸之居民波奔及天戈之西揮  
灣府之義旅雲集屬百里列郡之悉復獨一片孤城  
之不降麾螿登埤頴叔之勇無敵免胄赴敵先軫之

面如生獸角垂危奚難一舉而勦滅螳臂尚奮敢抗  
百道之進攻故此數朔之合圍猶遲一月之三捷逮  
夫河朔之旌變彩宜爾元昊之膽自寒遙想天威之  
所加無異泰山之壓卵尚冀冥頑之知變姑貸鼎中  
之游魚人或謂二矛之逍遙玩寇養亂予則知中權  
之專制全師取勝果然半夜入蔡州之兵乃成三鼓  
奪崑崙之績長星燭地賊首殞於陣前芒爍騰天逆  
屍燼於壕裏一方之窠穴蕩掃嘉乃上將之伐謀千  
里之陰翳廓清庶彼小人之革面雖幸魯泮宮之獻  
馘猶遜虞兩階之格苗極知佳兵之不祥固已戒於

多殺亦愧止戈之為武倘無究於橫羅噫彼崔盜之  
亂增寔為莽戎之嚆矢所以無將不軌之類潛售投  
間抵隙之謀鍾振之腸肚相連所譎張則不忍不敢  
文光之手脚盡露所經營者至愒至凶如論前後之  
罪名雖段落之異貫殆若內外之和應率爛漫而同  
歸禹鼎昭奸魑魅魍魎之莫逃其狀象魏懸法擣杙  
窮竒之咸伏厥刑夫何世變之層生抑亦邦運之不  
幸殷虞以啓可見皇天仁愛之心禍亂悉平實荷祖  
宗默佑之眷已將景來昌始齊初士用禧著敬行聖  
翰復一鳳寬文濟益淳章謙榮基文亨漢淳基朝等

依律正刑籍沒家產餘待檻到當施同律向者干戈  
之從事豈予心之樂為乃茲鈇鉞之飾威喜亂畧之  
底定饑饉師旅之荐禍哀無告於黎元雨雪揚柳之  
興懷嗟久勞於征士第慮誅討之後不無疑懼之徒  
春秋常經雖嚴黨逆之律天地大德必先好生之仁  
允係慷慨效忠者論賞有差至若註誤附賊者咸置  
不問推心置人腹河北之反側自安扶杖聽詔書山  
東之父老垂涕念亂賊之由起蓋緣連年之阻飢顧  
瘡痍之未蘇何安大庭之稱賀勉循群僚齊忤之悃  
庸敷八域脩告之音否徃泰來政屬亨嘉之會乾清

坤廓宜推疏滌之恩云云於戲危而後安亂而後治  
徵往蹙而不或飢者為食渴者為飲在今時則易然  
刑賞并行庶曉逆順之分憂樂與共永保仁壽之休

藝文提學  
曹允大製

文苑叢書續編卷之三

文苑叢書續編卷之四目錄

教命文

坤殿冊封

備闈冊封

世子嬪冊封

大王大妃殿封王妃教命文

孝顯王后封王妃教命文

大妃殿封王妃教命文

中宮殿封王妃教命文

純宗大王封王世子教命文

翼宗大王封王世子教命文

憲宗大王封王世孫教命文

王大妃殿封王世子嬪教命文

竹冊文

儲閣冊封

頌官冊封

謚號

純宗大王封王世子竹冊文

翼宗大王封王世子竹冊文

憲宗大王封王世孫竹冊文

王大妃殿封王世子嬪竹冊文

翼宗大王世子謚踊竹冊文

獻敬惠嬪上謚踊竹冊文

顯穆綏嬪上謚踊竹冊文

祭文

宗廟 郊壇 山川 永寧殿

各殿宮

陵園墓

社稷

春享親祭文

夏享親祭文

冬享親祭文

貞純王后紉廟親祭文

正宗大王紉廟祭文

純宗大王翼宗大王紉廟祭文

純宗大王翼宗大王追上尊踊時親上冊寶後親祭

文

三朝寶鑑親上時親祭文

翼宗大王冠禮告由祭文

翼宗大王嘉禮告由祭文



孝懿王后冉梁六十年陳賀告由祭文

翼宗大王聽政告由祭文

永禧殿親祭文二

璿源殿親祭文四

藏譜閣親祭文

孝安殿祥事親祭文

華寧殿親祭文

孝和殿奉安親祭文

徽定殿春享親祭文

景慕宮冬至親祭文

景慕宮冬享親祭文

德興大院君祠宇親祭文

毓祥宮親祭文

景祐宮親祭文

恩彥君祠宇敬祭文二

全溪大院君祠宇敬祭文二

健元陵親祭文

獻陵親祭文

穆陵親祭文

明陵親祭文

懿陵親祭文

健陵親祭文 二

仁陵親祭文 二

延慶墓親祭文

經陵親祭文 五

景陵親祭文 二

顯隆園親祭文

德興大院君墓敬祭文

徽慶園親祭文

祈穀親祭文 三

祈雨報謝攝享祭文

雩宗祈雨攝享祭文

國內山川祈雨祭文

四門禱祭文

八道兩都厲祭文

樂章

列朝上尊踊樂章

進豐呈樂章

哀冊文

貞純王后哀冊文

文苑補遺 卷之四

正宗大王哀冊文

孝懿王后哀冊文

純宗大王哀冊文

翼宗大王哀冊文

翼宗大王遷陵哀冊文

憲宗大王哀冊文

孝顯王后哀冊文

獻敬惠嬪哀冊文

顯穆綏嬪哀冊文

文苑補遺續編卷之四

教命文

坤殿冊封

儲闈冊封

世子嬪冊封

大王大妃殿封王妃教命文

純宗壬戌

風驪著配體之象賁六五之黃裳閔雖為正始之基  
啓萬億之蒼籙予惟王者之御極尤重君子之造端  
定乾坤之位合日月之明天道不能獨運承宗祧之  
統奉禘嘗之禮壹政於是相成至哉萬品所資允矣  
百福攸本茲揚顯冊式遵彝章咨爾金氏篤生名門  
傲嫺懿訓惟文正文忠暨忠獻之大義卓節世毓其  
光若太任太姜續姜嫄之流慶繇徽天作之合服詩

文苑補遺

續編卷之四

教命文

一

禮而治絲繭不煩阿姆之言儀圖史而範珩璜早播  
澍女之頌荷先靈之默佑昔日發鞠夢之祥奉太母  
之徽猷令辰叶嘉會之吉茲消吉備禮冊封為王妃  
寵命祇服景祿誕膺念冲人弘濟之艱所賴佐治于  
內而寧考揀選之盛可但繼序之思表裏交修家一  
正而天下定矣夙夜匪懈臣十亂而婦人有焉愉色  
婉容恭承殿宮之樂陰功玄化用答臣民之情於戲  
媯納贊協華之謨塗山勗敷文之教如臨如履體一  
人敬畏之心俾熾俾昌迓百世靈長之祉  
領府事李秉模製

孝顯王后封王妃教命文

憲宗丁酉

夫婦人倫之始后妃王化之原此聖人初制於儷皮  
君子備儀於百兩也惟乾坤之相配即祖宗之共承  
爰舉彝章載揚顯冊肆予眡質叨守洪基仰供兩殿  
之怡愉俯遂群生之字育外除既闕內助宜資咨爾  
金氏名閼餘麻東朝近泚塗山毓慶自文正以來四  
相三忠炎姓襲祥若太姜之後九人十亂播令譽於  
蘋藻頌叶河洲佩懿訓於珩璜德符媯納僉詢攸定  
慈教迺宣迨日吉而辰良又天休之川至茲消吉備  
禮冊封為王妃誕膺寶錄益懋壺儀嗣徽所以及琴  
昭儉宜其服練寢饍之誠由於孝本支之應在乎仁

贊大有之治勤惟玄統正家人之位吉是黃裳可不  
敬歟於斯盛矣於戲日月有并明之理陰陽無獨運  
之機含章則丕著柔嘉端本則永懷昌熾大提學趙寅永製  
大妃殿封王妃教命文 憲宗甲辰  
妃匹乃人倫之始閨門即王化攸基自古受命之聖  
君蓋有內助所以選德於名族必慎婚儀矧躬誕  
拊洪圖而陰教尤資良佐織紵鹽饋以聽壺闈之治  
豆籩粢盛共承宗廟之事家人筮內外之正閨睢詠  
寤寐之求咨爾洪氏篤生忠臣之門夙稟淑女之質  
令聞世暢儒行紹詩禮之風幼度天成懿範符圖史

之訓循德性而柔柔則至象合坤積善慶而迓吉祥  
休光儷日謀及卿士而允協諏茲月辰而咸嘉消吉  
備禮冊封為王妃繡組翟褕象服是稱金篆瑤牒駿  
命維新館繭奏功長奉兩慈聖歡悅郊韜衍祉永啓  
百斯男蕃昌導俗之規惟勤與儉逮下之政曰惠而  
仁於戲戒視衿肇徹存簪珥塗山翼夏敷聲教於四  
方京室興周綿福祿於萬世 判府事鄭元容製  
中宮殿封王妃教命文 當守辛亥  
乾坤合德萬品資覆載之功日月儷明八表宣臨照  
之化故帝王之出治絲配匹而造端十亂臣婦人與

馬良佐是賴一正家天下定矣哲辟所先予惟殷武  
丁舊勞茲有周冲子丕賁撫五百年綿籙天必欲全  
安匝三千里洪區國不是編小永念負荷之至重特  
須內外之相成願為之有室家思服也切可與共承  
宗廟望助者深迺求於高門遂歷選於碩媛咨爾  
金氏喬木毓秀曾沙呈符四世名義之宗上溯文正  
公大節東朝親懿之近中與孝顯后同房蓋其善慶  
攸基鍾幽間貞靜之性况復詩禮所襲著溫惠澍慎  
之儀稽卜筮而允臧詢陔澁而普悅備六禮重宜正  
綸翟之尊迓百福原實叶軒龍之瑞茲消吉備儀冊

封為王妃爾其懋昭嘉聞知敷陰教相嚴禋則殫祇  
栗之誠問寢膳則盡怡愉之度一德靡懈佇聞鷄鳴  
之歲萬祿是道必致麟趾之應於戲惟孝敬可以範  
俗惟謙冲可以受祺惟陰陽交須民物咸濟惟朝夕  
克謹天休鼎臻誕履黃裳元吉之隆永膺朱芾斯皇  
之慶

大提學趙  
斗淳製

純宗大王封王世子教命文 正宗庚申

周儲冊而一日三朝黃帝元吉唐禮冠於中春二月  
朱芾斯皇庸循藝章式舉寶典咨爾元子諱天挺秀  
異祥叶虹流日就溫文謨詒燕翼皇穹篤佑會夫子

文苑補遺

續編卷四

教命文

四一

以降之年祖宗垂庥符壽母載夙之日宗社神人之  
攸托緝熙光明之是期三殿供饗膝之歡祇奉遇物  
之誨八域繫延頸之望夙著好學之誠義經蒙養之  
功仁聞疊疊漢文豫建之策予意遲遲迺倣大戴筮  
賓之儀先舉元聖祝雍之禮以歲之正以月之令物  
采既備於三加謀人而協謀龜而從位踰誕膺於貳  
邸大庾其兆猗爾祖載冕之辰用申於千乃寧王受  
冊之歲茲命爾為王世子爾其念茲付畀之重體予  
誥戒之勤一人有慶之符萬年无疆之祿益勉克勤  
而克敬可見丕顯而丕承於戲尊聖學而振文教自

是我家大度遵王道而歛箕福蓋亦列祖宏謨大提

良浩

翼宗大王封王世子教命文純宗壬申

樹適正名乃萬世經常之道早諭豫建亦三代治長  
之謨爰舉彝章載貽哲命咨爾元子謙姿表秀異稟  
質英明固知篤慶而生休祥屢著不煩遇物之誨智  
思自開屹如巨人儼乎儀可象而威可畏根於天性  
藹然敬惟長而愛惟親諭善僚屬之官遵先朝寡藐  
是教勝衣趨拜之狀喜今日謳歌攸歸身雖在於孩  
提基實鞏於宗社處地無間於已冊擬盛典之姑徐

人天叶吉於是年致有司之固請深軫繼體之義庸  
答延頸之忱茲命爾為王世子爾其保赤子之心通  
孝經之旨雖昔生知之質必資問學之功矧茲蒙養  
之端宜服義方之訓定省溫清子職不求於他寅畏  
嚴恭家法相傳以是竒玩毋近於左右志氣彌新賢  
士常接於宴閒便佞自遠始乎九容四勿之戒習與  
性成終焉二帝三王之治躬行心得於戲夙興夜寐  
罔或墜於誨言日就月將庶永躋於顯德領敦寧金  
祖淳製  
憲宗大王封王世孫教命文純宗庚寅  
立嗣并儲所以固國本定名正位所以繫人心周建

聖德之孫克撫昌運漢崇世嫡之誦寔昭常經茲循  
典章載揚冊命咨爾世孫鞏毓積累之流慶挺岐嶷  
之令姿嬉戲而儀度不允孩提而孝敬已篤推休應  
於湯降占殷緒之發祥撫典型於啓呱知禹道之能  
繼顧今孤危之國勢七鬯不可暫虛矧爾夙彰之令  
聞謳歌自有所屬爰以世序之正宜居儲副之尊寵  
命先加己自前年亞歲綈儀亟舉乃用元定吉辰茲  
命冊爾為王世孫爾其祇膺責章克篤蒙養典學為  
修德之本作善為降祥之符精一執中是帝王傳心  
之法恭儉禮下即君人致治之方尊經傳而親賓師



遠便佞而屏玩好習熟乎正言正事擴充其良知良  
能撫艱大而將投在孫惟汝推孝友而為政乃考是  
承於戲堂構之責在斯宗社之托至重淵臨冰履勿  
替燕翼之謨月恒日升永享龜疇之福

漢城判尹  
金履喬製

王大妃殿封王世子嬪教命文

純宗己卯

繼正體以為大本國莫尊於貳儲配元良必俟邦媛  
禮莫謹於六聘天作之合地道有終念惟主鬯之賢  
允係率土之望學序齒而咸加服昭聞以萬邦之貞  
家次身而觀厥刑好速宜百兩之御不有坤厚之象  
曷媿高明之輝咨爾趙氏冠冕華宗珩珮令質吉慶

祥善積厥世而集于躬貞靜和柔得諸性者著於貌  
筮窈窕而載協咨卿士而罔違肇啓百福之源聿修  
二姓之好茲遣使臣持節備禮冊爾為王世子嬪爾  
其式欽寵命益懋徽音家人聘納之占女正內而男  
正外葛覃后妃之德富能儉而貴能勤逸欲驕傲習  
不可長恭慎慈惠化乃自行相問閭匹庶之微猶有  
須於交愛矧宗廟神靈之統伊敢忽於共承於戲思  
媚思齊本孝敬而匪懈得名得祿俾昌熾而無疆

領教

寧金祖  
淳製

竹冊文

儲闈冊封

嬪官冊封

謚號

文苑補註

續編卷四

竹冊文

七

純宗大王封王世子竹冊文

正宗庚申

壽祿無疆寅修三加之禮宗祧有托申鞏萬年之圖  
 爰參彝章誕宣嘉典咨爾元子諱膺昌熾運挺岐嶷  
 姿其生也夫子降彩之年天地人相與維時則慈宮  
 流虹之節月日辰俱良望之儼而即之温自是帝王  
 家器度言有則而動有法已見學問上工夫祥暉駐  
 長樂之春蓋體遲遲又久之意元朝展廟宮之謁悅  
 承洋洋如在之音竊取三善寓物之規思循兩儀成  
 位之義冠而命字策而定誦考之禮則得其倫乾以  
 易知坤以簡能在於事而順且吉文章煥然有述符

聖祖攸行之儀物采務從省繁遵寧考祈永之旨天  
 時叶慶萬品屬回泰之期輿情導和八域騰重禹之  
 頌茲命爾為王世子爾其懋昭令聞永受弘祺精一  
 執厥中即我家傳授之法涵養須用敬乃聖門貫徹  
 之工龜從筮從卿士從庶民從是謂大同真厥磐泰  
 井如恒如南山如松柏如詒爾多福施及子孫而哲  
 吉罔不在初惟恭儉可以養德學以親賢而進念茲  
 在茲勤是修業之要無逸乃逸遇物則誨縱自愧於  
 身教順志為心尚克欽哉命領講故李  
 翼宗大王封王世子竹冊文純宗壬申

建儲嗣所以承宗廟之重正位踰所以繫億兆之心  
斯乃古今之通規亦我祖宗之舊典載揚顯冊誕舉  
彝章咨爾元子鞠日表英明天稟仁孝能言而先辨  
文字率行則不煩賓師覃訐岐嶷之姿儼若不教而  
喻視聽動作之際已具大人之儀乃茲器度之夙成  
又見尺衣之日長周家錫胤皆由積累之仁漢儲定  
名舉切早建之願在邦禮而允叶亦僉議之大同吉  
祥咸臻值聖朝開初之歲儀文節約體昔日祈永之  
心茲命爾為王世子爾其勉修威儀祗服命戒非講  
學無以明理惟進德莫如誠身常遠柔佞而禁於未

然亟祛玩好而毋謂何害兢兢乎危微精一之訓致  
致於禮樂書數之文孝者為百行之源動遵文王世  
子學而至聖之域必曰大舜何人親官妾時少親  
賢士時多必須左右之皆正謀龜筮而從謀庶人而  
吉亦驗壽祿之無疆克念今日提耳之言庸副舉國

延頸之望

上護軍南  
公轍製

憲宗大王封王世孫竹冊文

純宗庚寅

君子有抱孫之樂蒙養乃為聖功帝王重立嫡之名  
豫建以係民望肆寓從周之義允叶述先之謨咨爾  
世孫御諱仁孝天成溫文日就知思形於遊戲自孩提

而儼若成人聰明蘊於視聽得賢師則可與入道多  
識文字不煩訓辭每對經傳知尊賢聖覃訏岐嶷撫  
背有奇愛之心明類長君延頸切期待之悃自厥初  
姿質之允美迨乎長負荷之必能國步方值艱危咸  
願典禮之貴舉爾年雖在冲眇詎緩位躡之并加茲  
冊爾為王世孫爾其懋恢宏謨光膺景福燕閒幽獨  
先求放心禮樂詩書必究精義罔與柔佞相昵毋或  
玩好是耽寢膳溫清之儀皆遵小學之訓宮室衣服  
之儉嘗以大禹為師成乃考圖功知今我初服予則  
誦祖依孫遺教爾則以舜何人為期勤日三之朝長

成是待繼明兩之照付托無憂常若凜乎淵冰庶幾

勗其堂構

領議政南  
公轍製

王大妃殿封王世子嬪竹冊文

純宗己卯

儲嗣為宗祧之付託貳極既尊君子以夫婦而造端  
六禮斯舉此誠人倫之始亦係王化攸基念我元良  
夙有令譽冲年齒學已聳多士之觀聽令月加冠儼  
有成人之儀度動法文王世子三朝致誠多接賢士  
大夫才陰是惜少陽正位早係域中之心大婚定祥  
宜須壺內之佐歷選名閥爰求碩媛咨爾趙氏姿凝  
柔嘉家傳孝謹幽閒德性不待姆教而成舉止容辭

允合親簡之日男女正而乾易坤簡卿士從而日吉  
辰良茲遣使臣持節備禮冊爾為王世子嬪今予無  
憂有佳兒有佳婦惟天作合宜爾室宜爾家曾傳治  
平皆本修齊之德周家風化亦資窈窕之求矣但父  
母止慈之情斯實國家無疆之福於戲惟儉約可以  
飭已惟順敬可以事親遵聖訓而內外相成奉慈誨  
而夙夜靡懈龍樓鶴禁長撫於萬之休麟趾螽斯佇  
見則百之慶冀永享於第祿尚克欽茲策詞

右議政  
南公轅

翼宗大王世子謚誦竹冊文

純宗庚寅

昊天不吊遽遭繼體之喪日月有時爰備易名之禮  
寔循公議少慰至情惟爾世子聰明挺姿仁孝根性  
竒微著雲虹之彩適符誕降之初異表識天日之光  
矧在正嫡之貴是有丕子責永期宗祧之依歸自與  
常人殊早見德器之成就入學先問師傅曰何修而  
可作聖人出治當法祖宗乃所願則祇遵文考肆切  
兆庶之係望遂命萬幾之代聽在左右而分勞晨昏  
之省之誠愛兼摯無小大而攝事春秋享祀之禮儀  
罔愆克推愛日之心連年稱爵聿迓綿曆之慶早歲  
弄璋敬天恤民而體予訓辭懋學勤政而圖厥治理

室揭介石之跼戒逸樂之移心屏列耕田之圖知稼  
穡之務本樂聞規諫雖或不撓而竟獎其納忠振濟  
饑荒為之移粟而重惠以發帑凡厥施措其將大有  
為治真得托任豈不既濟吾事予方以文無憂自幸  
爾則惟啓能繼為賢嗟涼德之速辜致英姿之罹割  
始謂无妄之疾不過一時之虞豈意方壯之年奄摧  
旬日之頃慟人事之若夢奈天理之難謀撫遺孤之  
呱呱典型斯在望佳城之鬱鬱兆卜允臧爰思揚徽  
而賁幽宜有崇終而節惠念善繼而善述孝為百行  
之源叶重光而重輝明有四方之照斯足以詒於厥

後庶幾不間於予言爰命使臣奉冊贈謚曰孝明於  
戲象德表功緬平昔而增愴鴻名顯策期永久而采

彰不昧惟靈尚欽茲命

漢城判尹  
金履喬製

獻敬惠嬪上謚號竹冊文

純宗丙子

六引有期既龜筮之協吉壹惠為謚薦鴻跼而揚休  
悅陪聲容祗增攀慕恭惟孝康慈禧貞宣徽穆惠嬪  
邸下稟性澍哲秉德柔嘉琴鍾媿貳極之尊嗣徽之  
令聞夙著珩珮行三殿之謁書紳之內則無違雞鳴  
進箴陰贊十四年代政虹流毓慶永鞏億萬世洪基  
平居禮法之率行小學為聖人之道元良德性之成

就寧考垂賢母之褒猗我先朝出天之誠深切知年  
愛日之孝合於情者為禮節文儀則之損益隨宜致  
其隆而承歡寢膳溫清之左右就養瑤冊闡美粵自  
即作之初年鑿鑿觀華尚傳奉壽之盛事惟寡昧自  
在冲藐伊保護偏荷慈恩同日誕辰玉音尚記於非  
偶太歲在己寶錄益懸於無疆願萬年之如今長奉  
至訓養一國而不乏常體親心履艱居貞懿行猶傳  
於今日含光正位潛德不形於外人得壽得祿得名  
皇天之眷祐斯驗如岡如陵如阜薄海之祈祝方深  
豈意玉候之彌留奄驚仙馭之上陟珠丘行合塋之

制述先志於慎終銀幣下內帑之藏體慈德於恤費  
苟欲記實而垂永宜在揭踊而闡幽獻為明睿之稱  
萬善攸本敬是做戒之義一德無瑕粗伸揄揚之微  
忱敢曰摹繪於盛德謹上尊謚曰獻敬仰冀靈鑑誕  
受寶章彤管增輝庶芳烈之長在瑤圖衍慶介景祉

於無窮

兵曹判書  
南公轍製

顯穆綏嬪上謚踊竹冊文

純宗癸未

禮有限於殿屈今日曷為予懷德莫大於劬勞昊天  
欲報罔極肆稽節惠之典庸崇賁終之規豈云顯揚  
惟切掩抑伏惟綏嬪行循嘉則姿凝順思藍珪久脰

鍾善慶於華閩蘭薰在襲藹淵聞於芳閨娘夢既驗  
於獻珠兆若先於懷日幼儀無怖於見虎奇不啻於  
當熊發冊問名是膺皇考禮揀之盛封爵賜誦俾踵  
君子福履之綏遂長發於殷祥迺永錫乎周胤祿郊  
遲於降乙國勢幾凜綴旒堯門闢於維庚宗脉實賴  
絲絳極歡愛於三殿亶為存微而舍和爭頌美於六  
宮莫不仰耀而薰德嗚呼涖灘之降割閔予冲年之  
多難梧雲莫攀痛真遊之寢邈草暉偏煦荷慈恩之  
愈隆常勤疾憂而保護之是恃或遇灾咎則警誨之  
有諄三朝見七章之隨縱慰含飴之念升載致千乘

之養猶歎洗腆之誠由来憾悴之崇深深懷喜懼之  
忱切先君之思以勗雖哀荼沈淹之罔間人子之心  
無窮惟耆艾康寧之是祝遐籌漸躋於耳順將為春  
秋八千愆度此喜於翼瘳願如岡陵松柏方期壽母  
之興詠遽驚寶婺之淪精齊疏未闕於三年狄臯又  
慘於一夕愴孺慕而靡逮東殿仍虛廓慈覆而何依  
北堂俄聞卜茲履露之舊域想神理之大安寓我終  
天之至哀幸瞻展之孔邇苟無懿媿之亟述可奈音  
徽之長違興衛備廢親喪固所自盡典冊斯具舊章  
率由不忘篤實輝光顯是名行之昭著端莊齊整穆



為德美之蕪全謹遣使臣上尊謚曰顯穆尚冀明靈  
俯諒微悃欵遠日之條屆休範詎闕於玄扃庶來世  
之永垂流芳增煒於彤管

祭文 宗廟 永寧殿 郊壇 山川 各殿 官 陵園 墓 社稷

春享親祭文 正宗 己酉 宗廟 永寧殿

於穆清廟陟降洋洋洪功盛烈啓佑無疆首春載屆

熙事是將昭垂歆格錫以熾昌 大提學 吳 載 純 製

夏享親祭文 正宗 甲寅 宗廟 永寧殿

弈弈清廟百世觀德聖神靈承慶流無極律回仲呂

樂奏九成陟降孔邇庶顧粲盛 大提學 洪 良 浩 製

冬享親祭文 純宗 丁卯 宗廟 永寧殿

於穆清廟祖功宗德配天毓慶永世申錫節屆玄冥

躬薦黍稷羹牆寓慕冀賜歆格 藝文 提學 曹 允 大 製

貞純王后祔廟親祭文 純宗 丁卯

思齊太母英考于配陰教協贊宗社盤泰速佑冲入  
裘冕臨朝德符聖妣功邁女堯深仁厚澤洽于民國  
真遊云邈穀燧屢易禮制有限緜儀載舉躋祔太室  
衍我列祖遵豆踐陳鐘鼓鏗鏘其永有慶申錫無疆  
藝文 提學 曹 允 大 製

正宗大王祔廟祭文 純宗 壬戌

於皇聖考巍巍烈光道協周孔治紹虞唐義理精微  
卓越百王皇祖有授小心對揚二紀治化鼓舞四方  
大猷之并朝野想望真遊何遽渺渺雲鄉祥禪畢制  
躋祔有章尊以世室秩以天常禮殷宗祫享右蒸嘗  
大禘維饒廣牡維房朱紘疏越鐘鼓鏗鐸衍我列祖  
百禮洽張文昭武穆繼序其皇陟降臨止孔邇洋洋  
邦有鴻慶申錫无疆陟位行禮孝思彌長昭倣有廟  
冀歆馨香

藝文提學  
黃昇源製

純宗大王翼宗大王祔廟祭文

憲宗丁酉

宗廟之禮合禘為重爰祔爰祧爰序先統藏夾載記

訪落登頌遵此舊典勉我餘慟猗歟皇祖先繼列聖  
三十四年度以天命歷溯百王於斯為盛至德隆功  
世獻攸定翼考仁孝大訓是弘漢觀篤慶周寢藹誠  
何天不吊否運相仍緱馭喬封攀慕累增既舉追隆  
亦屆即吉昭穆並躋灌薦咸秩世次當遷即景宗室  
耿光愈遠古制莫越以歲之春以月之正衍我綏我  
時享肅將瞻仰於昭陟降洋洋黃流朱瑟錫嘏無疆

大提學趙  
寅永製

純宗大王翼宗大王追上尊踊時親上冊寶後親祭

文 憲宗戊申

文苑補遺

續編卷四 祭文

於他清廟陟降維皇聖神相承訓謨洋洋有巍功德  
無疆曆服以啓以佑荷天景祿猗我純祖暨我翼考  
學傳精一治洽熙皞於乎不顯琬琰載揚式循情禮  
亦率彝章有事躬告案醴芬芬是日維望享儀兼陳  
愀然周瑟儂如堯墻冀垂鑑格曾孫之將 宗廟  
皇矣純祖厥德濬仁克勤克儉允武允文嚴恭對越  
第祿攸同慈惠懷保群黎乃雍受命既長久道化成  
謨燕元良四勿九經闡徽未遑怵惕在中載洎嘉辰  
禮舉追隆玉冊金寶儀文崇貴敢云摸繪庸展孝思  
琬琰有煌並薦禰室列祖攸行小子繼述周旋興愾

深切愴喜式禮虔享兼獻望祀將將磬管秩秩豆房

願予吉蠲畀以無疆 第十五室

思文寧考聖哲挺姿君子健乾大人明禹四載代臨  
小心翼翼庶績咸凝兆民允殖勉勉萬幾宏綱訂謨  
於乎至德史不勝書小子嗣服久稽揄揚一念羹墻  
惕愴可忘追先誠篤庸備情文煌煌寶冊鴻號是尊  
不顯不承祖廟禰室孝思之則舊典是率緬昔丁秋  
稱賀闡徽事如隔晨孺慕曷其奉幣執瓚望享並薦  
洋洋奏倣降福絲衍 第十六室 ○藝文  
提學徐箕淳製  
三朝寶鑑親上時親祭文 憲宗 戊申

於皇列朝寢廟孔安之功之德永真泰磐小子續緒  
罔敢怠違蚤夜一念惟在肯堂氣序流遷冬烝以時  
磬筦將將奏彼不遲三朝寶鑑禮成親上闕典載舉  
陳告因享搏俎既潔承筐是將陟降臨止庶歆鉶香  
宗廟

眇予小子率由罔愆夙夜敬止思教奉先節回玄冥  
烝裡載虔於乎大德立極配天倚撫泰運垂五十年  
在昔甲辰闡踰光前寶鑑闕載今庸添鐫三朝謨訓  
彙纂續編告獻因享有秩筮籙洋洋在上歆茲吉蠲

第十二室

於赫正廟巍蕩難名德配勛華濬哲欽明邗治隆化  
洋溢地紘民到于今咸樂其生小子追慕于墻于羹  
煌煌寶鑑萬世法程爰暨祖彌繼序載成心法相授  
惟一惟精緬昔志事裕浚遠宏躬將來獻冬烝因并  
瑟疏磬將間以鑄笙洋洋降格醴酌載清第十四室  
皇矣純祖邁駿有聲三紀御治久道化成何生不育  
煦濡滲滋山陬海澨沒世之思叨承艱大蚤夜淵冰  
彙輯寶鑑謨訓明徵篤我正考爰及于彌其序皇之  
亦宗維禮于以詒燕永垂千億來獻之辰烝祀不忒  
搏牲孔碩清酌載斟陟降洋洋尚庶居歆第十五室

文苑補遺

續編卷四

祭文

一八

穆穆寧考不顯其德學懋緝熙溫恭淵塞四載代治  
遺澤入深早違物誨至慟經心惟其儀刑典謨是資  
輯成寶鑑質聖無疑仰聞祖懿述其光承聖神相繼  
大猷允升迪我後人永世勿替陳告親上值茲烝祭  
籥舞笙歌以衍以侑庶幾昭假申錫斯祐

第十六室  
藝文提

學金英  
淳製

翼宗大王冠禮告由祭文 純宗己卯

主覽有托啓佑無疆元服既就日吉辰良厥惟禮始  
先茲告事尚冀鑑臨永世昌熾 宗廟  
元良夙就禮成三加寔賴啓佑福祿宜遐肆洵吉日

告儀式將於戲永世俾以熾昌 永寧殿○知製  
教朴齊聞製

翼宗大王嘉禮告由祭文 純宗己卯

羽禽主鬯禮成渭舟式遵藝章庸先告由 宗廟

貳儲造端冊嬪定誦百福之始慶期先告 永寧殿○  
知製教任

存常  
製

孝懿王后舟梁六十年陳賀告由祭文

於皇列祖垂佑無疆慈壽彌高甲回舟梁昌辰載屆

景祿滋臻慶實曠前祇告朔經 宗廟

陟降洋洋介福昭明慈壽彌邵甲回嬪京月正元日

禮宜稱慶祇告藝典冀垂休命 永寧殿○知製  
教任存常製

文苑補後 續編卷四 祭文

翼宗大王聽政告由祭文

純宗丁亥○宗廟永寧殿

於穆清廟有臨赫赫啓我後人純嘏永錫小子績緒  
蚤夜兢惕惟我元良夙彰令德聰明仁孝歡騰方域  
侍座攝享益見洞屬代勞萬機祇遵舊式邦籙無疆  
永鞏千億緝儀肆舉吉辰載卜禮宜先告敬薦洞酌

知製教洪晚製製

永禧殿親祭文

正宗甲寅

於赫藝祖肇造東方勦業垂統啓佑無疆翼翼真殿  
端冕黼裳四聖靈承躋享一堂小子奉璋祇覲耿光  
洋洋降臨萬世永昌

第一室

光廟中興再奠邦基德配三宗運啓一治肅肅影殿  
穆穆衮儀萬歲承禧五聖聯帷殷春祇見九旒龍旂  
於昭在上願我明粲

第二室

溫溫章陵潛德發祥篤降聖嗣整我天常有儼真幘  
德容睟盍貽謨定命景福彌昌節屆春仲躬奉裸將  
皇靈降監歆此馨香

第三室

丕顯肅廟一德配天深仁厚澤四十六年望雲就日  
寶榻巍然皇祖大孝經紀罔愆昔陪獻瓊今來奉遵  
昭倣不遲庶監誠虔

第四室

於赫皇祖五紀邗隆法天配地盛德豐功玉軸錦綃

文苑補遺

續編卷四

祭文

二十一

堯眉舜瞳愀然入室信激微衷錫我祚胤慶流無窮

恭薦洞酌庶幾感通

第五室 ○大提  
學洪良浩製

永禧殿親祭文 當午辛亥

詩讚禹績書頌武烈天地開闢日月昭列皇矣藝祖

啓我大業維錫勇智維宏樹立惟茲南殿儼如原廟

堯彩舜瞳萬世臨耀小子祇謁在中月後曷既永慕

架仰高厚 第一室

光廟於赫重奠丕基武定文致積累洽熙豐苞引綏

燕翼靈長琬琰洪勳峻德藝章寶幘粹穆宅于离墟

漢寢冠劍宋閣圖書藐予舊勞架切追源於千萬紀

永不可護 第二室

養潛乾二興慶毓祥發于聖嗣邦運再昌德厚流光

實啓後昆配周之季追隆名尊有佺殿宇祇奉睟容

小子入承夙夜虔恭殷仲初謁時物嬗遷吉辰駿格

架增儉然 第三室

猗歟肅廟大道沕穆四紀洪化昉蠻涵育彰瘴旌別

謨猷宥密於繹永思式于今日冲予嗣服莫慰緬仰

兆南翼楹有儼遺像至敬是寓悅承警咳齊明對越

愴慕架速 第四室

執競維烈邁駿有聲大德之壽久而化成五紀邅隆

弘業偉勳丕顯伊濯宣昭義聞凜乎肯構有格烝嘗  
續禹之服見堯於墻祥雲黼座威顏儼臨不有洞酌  
曷展誠忱

第五室○大提  
學趙斗淳製

璿源殿親祭文 純宗己巳

肅祖在御朝野清平畫性畫倫曰敬曰誠與天地大  
如日月明周錄絲絲文王有聲元良篤生寔荷陰隲  
時值仲秋符昔虹節百五十年復見此慶磐石泰山  
永鞏邦命玉軸展奉威顏孔通躬承洞酌展誠告喜

第一室

於戲可忘英廟之德壽考作人巍蕩立極八旬孺慕

五紀神功其祥長發流澤無窮鴻運誕啓祚胤永錫  
萬民延頸國本磐石仰惟悅豫德容如覲既告太室  
又謁真宮曷罄摹繪堯彩舜瞳冀降遐福俯鑑微衷

第二室

惟天為大寧考則之聖作千年將大有為堯舜孔朱  
以君兼師小子忝嗣若涉冰淵慶荷祖宗申命自天  
坤闡毓慶冢嗣誕生歡均左海頌騰前星顧後無憂  
拜先有光肅瞻睟容如在洋洋感極靡逮敬薦豆觴

第三室○大提  
學南公轍製

璿源殿親祭文 憲宗丙午

文苑補註

續編卷四

祭文

二二二



肅雖神御英祖攸基以不洎慕寓孔通思顯顯聖烈  
久道化隆儀刑是勗瞻依彌崇今拓兩室配我祖彌  
情禮所愜明幽一體寢儀采新繼序其皇簡辰夙虔  
祇薦苾香 第一室

烝我達孝冠古百王初啟漢原誠見堯牆五紀巍勳  
萬世洪庥之燾之覆式至今休庚申以後小子情理  
尚賴睟容彌仰聖思室制較啟薦式克備緬攀攀經  
恭將洞解 第二室

有煌璿幘泊于華闕每一虔謁愴慕彌至小子何述  
所願學孔王道師法仁體義用今茲拓奉天理人情

敬祖嚴父絲瞻寓誠至慟少伸遺庥維長佑我顧我  
歆我築觴 第三室

皇矣純祖聖作物觀滋液滲漉淵泉博溥嗚呼小子  
先庚後甲永荷洪慈有則有法於赫真容追奉禮成  
儀節采重神道攸程日表龍顏尚所瞻憶築餉之饗  
曷報大德 第四室

榮予銜恤疇有與倫四齡呱呱今十七春堯眉舜瞳  
仰資摸繪民到今說代聽盛會矧惟序奉列祖孝思  
義起猶然善述在茲虹節邇臨晨昏悅侍滋攀拓展  
奠庶歆止 第五室 ○趙秉錫  
製官內閣提學

璿源殿親祭文

當宁庚戌

萬世遺澤四紀在宥倫明教立化成道久大中至正  
光前裕後式于今休曰有所受藐茲嗣服寔由啓佑  
於佺璿室密邇禁右皇考誕彌歲甲回舊儀隆列奉  
禮宜裕侑龍章日表儼若承侯庶鑑微誠弘垂吉祐

第一室

堯齡舜孝盛德至善義揚以健衛微彌顯太和亭毓  
諸福弘衍時萬時億五紀餘忭煌煌本支俾昌且羨  
眇予入承式行式踐于何瞻依有儼睥殿皇考周甲  
情禮始展由昔由今愴涕泫泫恭儉哀臆冀歆奠奠

第二室

於戲皇祖高天厚地及惟因心孝以昭事禮樂政刑  
物采聲施百度維章三英同揆伊昔是年聖有聖子  
殿宮之歡神人之喜慶猶如昨寃今莫洎惇予恤恤  
若為情理赫矣寶幘列室序位滋觀威顏祗薦吉饌  
第三室

妣仁姬純國以為國滋液滲瀝勞徠直閔予小子  
皇考大德大德維何生成罔極寢展餘慕彌增怵惕  
聖降之年月日在即萬事嗚呼哀淚盈臆尚庶瞻寓  
真殿翼翼若始承顏天表玉色敬薦樽斝格此衷幅

文苑叢書

續編卷四

祭文

二十一

天降聖人將大有為仁孝溫文聰明睿知矧我正祖  
純考隆慈駿命燕翼維佑維祺奈何庚年又前夏斯  
以予寡昧嗣承丕基是歲月日噫復何時雲鄉承歡  
下土增悲有佺璇御瞻覲攸宜耿先孔邇蠲我樽彝

第五室○大提  
學趙斗淳製

璿源殿親祭文 當守辛亥

昔我英考有終身慕揭虔肇經致著率度一王盛際  
四紀洪功萬世赫臨堯眉舜瞳五室增六今日情理  
以俟以質不但義起式廓仍舊永思如新皇靈降監

祇薦明經 第一室

久道靈長粵五十年深仁厚祿啓後光前神御寶榻  
雲日煌煌純翼繼虔自我先王先王克肖有儀圖之  
聯龕紉室允協情宜六聖一堂瞻肅孔邇祇告陟降  
敬藏經紀 第二室

於穆皇祖大啓文明三代典章二紀治平赫矣真容  
璇殿肅肅五聖聯帷銀綃玉軸曾孫是若瞻依在茲  
虔奉有所繼序其思恭瞻典型益增愴慕祇薦洞酌  
庶幾歆顧 第三室

皇考純德仁厚博大思永惇叙基我磐泰翼彼璇源

文苑補載

續編卷四

祭文

二十五

龍章日表昔歲躋奉憲宗之孝志事如昨寶幘昭垂  
孫依祖紉我禮亦宜載營式廓虔繼六室昭倣洋洋  
歆茲芬苾 第四室

恭惟皇兄大德令聞治隆攝堯位正尊文穆穆真殿  
有儼赫臨維昔陞奉以孝子心孝子繼序德承儀肖  
躋仿宗宮制法原廟承顏覲取神理攸宜諏吉虔告  
陟降歆茲 第五室

於休憲宗聖姿英年基肇啓後孝極奉先三霜奄迫  
德儀寢邈肅穆遺真珠衡日角粵瞻璇源右我祖宗  
昔增今拓情事攸同慈詢典愴廷議叶禮祇告六室

敬薦馨醴

第六室○大提  
學趙斗淳製

藏譜閣親祭文

純宗甲午

皇矣聖祖駿烈洪仁於昭于天遺澤在人垂裕及我  
繼序斯皇曷寓瞻依寶幘煌煌金相日表有儼斯臨  
永言揭虔十紀于今周旋入戶對越思敬貽燕之謨  
若承而命嘉邁康爵表茲薦甲其右享之百禮既洽

內閣提學  
洪奭周製

孝安殿祥事親祭文

純宗丁卯

羲馭不駐殷祥載屆無窮者哀有限其禮衰麻釋服  
黻編變制俯仰穹壤攀慕靡逮

藝文提學  
曹允大製

文苑補載

續編卷四

祭文

二十六

華寧殿親祭文

純宗丙寅

有佺羽宮睟容煌煌黼座高拱日表龍章孝思攸寓  
奉此華陽維昔鑿御若臨在堂零露既濡感慕罔長  
既謁仙陵載覲耿光八彩儼若陟降洋洋周旋入戶  
五音如揚恭蕙心香儼然沾裳

藝文提學  
曹名大製

孝和殿奉安親祭文

憲宗乙未

閔予啣恤閔幾寒暑有淚長滋有慟長茹於惟皇考  
亶亶令聞克欽舜哲星輝海潤代聽四載化洽八埏  
謳歌方蔚真游遽遄嗚呼曷依嗟民無祿周雅蓼莪  
不忍復讀皇祖恩斯鞠我于蒙昊天不吊再撤幃幃

攀踊靡逮茫茫蒼穹藐茲踐位誠切報本邦禮遵通  
周典稽遠恭承慈訓誕舉教章錫玉泥金寶冊煌煌  
昭穆丕序情文罔缺曷云顯揚祗蓋摧咽清廟躋祔  
俟制之闕有佺文殿權奉神龕密邇孝成相望莞擔  
羹牆寓慕風樹纏悲以安以侑薦我明粢

藝文提學  
徐有集製

徽定殿春享親祭文

憲宗丁未

維天命哲先立厥配柔道是承家邦乃又予睠賢妃  
德儀孔章翟禴臨壺六宮徽揚葛藟播詠二南化彰  
維葵何歲欲語淚滂胡以根孝仰疚慈懷胡俾琴御  
遠違調諧曩在闕逢春瓚躬將如何可護真遊渺茫

文苑叢書 卷之五 二

於他祠殿以安以侑攝儀維明四時蠲豆青陽啓籥

增我餘悲玄統潔齋祀事咸宜德音雖邈恩義靡涯

陳辭抒衷庶鑑洞庀藝文提學 徐箕淳製

景慕宮冬至親祭文正宗戊午

節屆亞歲氣回一陽感深霜露慕切羹墻日瞻餘誠

大禧躬將陟降孔邇昭格洋洋大提學 洪良浩製

景慕宮冬享親祭文當守辛亥

奕奕闕宮於粲汎埽禮亞清廟篁錡繁藻小子承統

寔賴佑保恤宅甫吉雖琴友好齊體祇謁著存增愀

日瞻月覲追惟寧考精禋是將時則星昂實始躬裸

曾孫有道羹墻寓慕儀殷誠曠洋乎如在冀彼洞潦

藝文提學 洪在詰製

德興大院君祠宇親祭文純宗丁卯

麟趾毓慶篤生哲王祚啓後人運撫重光鞏磐綿秩

於千萬億禮隆報本廟貌有他小子祇謁先事是述

庶幾顧右俯歆芬苾藝文提學 曹允大製

毓祥宮親祭文正宗戊申

鬱彼北麓有他祠宮念昔皇祖孝思無窮每值諱辰

享必躬親是日來展愴慕彌新尊豆載潔俛仰如昨

尚鑑微誠冀垂歆格藝文提學 吳載純製

文苑叢書 續編 卷之四 祭文 二

景祐宮親祭文

純宗丙戌

瞻彼宮樹苑已成林風之搖搖實感我心永違慈顏  
五載于今廟貌有儼簾幃沈沈豈不密邇邇焉容音  
惟其盡誠紀事是欽節序迭遷追慕增深冬祭維烝  
至日于臨不有躬將曷薦菲忱備物徂宮龍旂駸駸  
既潔為饗有馨斯斟儂乎如覲庶冀顧歆大提學金履喬製  
恩彥君祠宇敬祭文 當字己酉

聖嗣冲年纔未及暮時事机陞追惟禍故只增哽咽  
桑海百變星霜屢換嗟嗟我家未堪多難小子承統  
大母有命原始溯本蓋驗餘慶刊洗記注所不忍言  
隆天重地莫報慈恩崇奉春陵式追建武改題祠版  
重新廟宇四時苾苾永垂千億恭薦徽誠感懷靡極

原任直閣  
尹定鉉製

恩彥君祠宇敬祭文

當字己酉

金枝瑞挺玉穎光啓莊獻之子正廟介弟忠孝根性  
令聞孔夙哲媛配德克著懿澍痛矣維辛欲言先咽  
搆禍罔極寔由兇孽抱茲幽枉今五十載藐予小子

入承艱大怵惕臨宸仰藉餘慶太母體恤昊天德並  
控于大邦先誣冀滃獲準奏請專對言旋史猶及闕  
永期不刊一雪千秋感淚汎瀾神人胥悅天日重光  
環我東土顯道愈彰幽明無間情禮罔缺俛仰今昔  
愴忤交切載誣令辰替薦醴馨昭倣孔道庶鑒徽誠

知製教曹  
錫與製

全溪大院君祠宇敬祭文

當宁己酉

維皇伯父天篤降生處約而泰濟屯以亨純行懿德  
含章彌貞哲配儲祥內助殫誠閔予小子失恃孩嬰  
纒逾十歲荐遭孤榮自爾含恤時序屢更顧惟眇末

艱大是承哀違臨宇祇栗履冰古人攸歎祿不逮養  
風樹之懷凡民猶愴佳隆千乘欲報誰為羹牆徒在  
泉壤終闕顧復劬勞蓼莪之思東朝體恤情禮俱極  
既崇懿彌新廟有恤報本追孝遠稽濮園粵我宣祖  
德興是尊恭新祠版虔奉享祀儼然同臨於萬其禋  
醴酒既馨籩豆有列庶幾降鑒顧予怡悅

原任直閣  
尹定鉉製

全溪大院君祠宇親祭文

當宁辛亥

禮嚴情屈是為經藝義不掩恩亦匪由私有宋濮秀  
我家德興德厚流光基濬啓弘藐予小子在昔情理  
顧復罔極艱貞攸履宗祧今日家而國而曷既酬報

文苑補遺

續編卷四

祭文

三十一



永言漣泗祗承慈掄覩合文祥治資絃統奉偕烝嘗  
遇慶靡及致存增慕時節瞻展仰述宣祖九九楹楠  
虔將粢餌恩斯勤斯冀降歆止

大提學趙  
斗淳製

健元陵親祭文

當守辛亥

皇皇太祖聖神文武荒我大東啓我土宇規摹弘遠  
樹立宏達有倬剖闢有幹輻輳是饗是保綸紀烝嘗  
赫千萬春景命無疆日月之臨窮古如新率普之謚  
在昔受民玉欄金粟肇自明宮龍蟠氣澍象設儀隆  
卜世卜年與天與地燕及克昌駿惠俾熾小子祗展  
在恤宅時霜露增慕歲序遽馳惟懷永圖洪莫丕業

怵焉夙夜若蹈若涉苑彼松柏靡不或承虔伸菲悃

冀彼昭升

大提學趙  
斗淳製

獻陵親祭文

正宗己未

於赫烈祖續業垂統本支百世邦籙永鞏小子承儲  
昔年陪謁松檜在望霜露屢閱卅載重省俯仰增愴  
陟降儼臨庶幾顧饗

大提學趙  
良浩製

穆陵親祭文

憲宗戊申

於皇聖祖大德洪功四十一年運啓邳隆龍飛代邸  
續承丕緒繼天立極百度時叙惇德允元崇儒重道  
赫赫厥靈光闡再造滲漉在人聲明動天垂裕後昆

文苑補遺

續編卷四

祭文

三十一

景命於千小子何德繼序其皇尚藉餘庥庶覲耿光  
勉茲孝思夙夜匪懈追遠夙慕聲容莫逮永懷怵惕  
履露春秋真遊舊甲天星四周宜言展誠是歲是月  
瞻彼寢園夙駕明發倚兩聖母盛德配乾徽音未沫  
象設同聯恭陳明薦齋心躬將冀垂鑑顧俯歆馨香

藝文提學  
李若愚製

明陵親祭文

純宗戊子

於皇聖祖無競維烈殷宗嚴恭帝舜濬哲終始典學  
大有為治禮復莊陵義起皇墳顯忠昭奸崇儒重道  
雷厲風行日月清照聲明熙融澤流永世故老太息

尚說盛際苑彼西崗雲木叅差劍鳥攸藏二妃從之  
仁顯正位事光載籍仁元躋壽功大宗祏象設儼列  
瞻言永慕曠茲汎掃復屆霜露三載其間邦休游呈  
元良代攝文孫篤生展禮告喜式闡餘慶在齎其潔  
有酌斯洞月遊孔通悅覲耿光庶幾顧歆申錫无疆

大提學金  
履喬製

懿陵親祭文

憲宗丙午

於惟聖德博厚敦大上天憐覆率土嚮戴茲嚴淵默  
道隆純粹惠薰恩腴仁漸義漬赫矣英斷烝我因心  
三宗大策萬世于今乾剛一運泰山四維保艾之庥

文苑補註

讀兩卷四祭文

三十一

職芸攸知有佺明宮聖妃同原陰功載溥遺徽可護  
小子來汎今嬪五燧歲時云邈霜露興喟尚賴彌寢  
密通于左情理所底瞻依有妥遷奉既卜儀設將撤  
倏焉曠廓彌增愴缺喪餘伸哀歷告哀私一理感通  
鑑茲歆茲

弘文提學  
趙斗淳製

健陵親祭文

純宗丙戌

於赫寧考顯顯令德仁覆萬物道冠百辟聖智天縱  
精一心傳範世新民二十四年豐功厚澤區宇寧謐  
貽謨靈長基命宥密有鬱珠丘劔鳥攸藏先寢是依  
神理洋洋思齊聖后鮒隅同紉四載曠省感切霜露

荐罹酷罰權制甫闕靡所怙恃終天銜恤節屆仲春  
時物遷改茲率元良展儀松梓重瞻象設陟降如臨  
薦酌增愴冀賜顧歆

弘文提學  
洪羲俊製

健陵親祭文

憲宗丙午

昔我皇祖有終身慕華寢玉輅秋霜春露展不曠歲  
孝思之寓小子繼序永賴垂裕追遠溯本翼翼恐恐  
於乎不忘聖德天縱堯舜傳心孔朱接統文經武緯  
樂諧禮綜久道化成釀郁浸漬睠茲廷紳尚有逮事  
一圜太極百世精義聖母儂尊珠襦同綖淵懿靜邃  
德侔如任自我來省日月其駸儼然餘慕躋路重尋

文苑補後

讀編卷四

祭文

三十一

文苑補註 卷之五 三十一  
君蒿悽愴格感者心 藝文提學 朴永元製

仁陵親祭文 當宁庚戌

於乎皇考廣淵神聖堯安舜哲禹儉湯敬仁為必世  
德以化民三十四年引萬億春大同逢吉庶品流形  
滋液滲瀟博厚高明孝文基漢慶曆隆宋燕及克昌  
有雅有頌嗚呼宗祊忍前夏割震我陟降儀曜遂闕  
虔奉慈命小子入承作其即位如何可能追昔生成  
昊天罔極晏寢夙興用訓且式渚虹樞電太歲重臨  
盛際莫攀遺寃普深喪不當出禮或義起矧惟藐孤  
今日情理泣效汎省粗伸孺慕孔邇洋洋冀垂歆顧

大提學趙  
斗淳製

仁陵親祭文 當宁辛亥

惟天為大日月為明萬世赫臨百昌嘉亨於皇純考  
穹之曜之至信不約大用無私機靜運博罔踈流弘  
道久登成績底熙凝平章協和自九睦始恩義攸酌  
積累是致聖非逆覩理有惠吉式至今休洪賴陰隲  
引我景命鞏我丕基庶幾夙夜欽承庶禱慈徽毋臨  
五紀斯隆憲宗真容六室圖崇有事則告曰禮與情  
矧念濡履歲年載更來猶瞻依去倍怵愴洋洋降監  
格此築壘 大提學趙 斗淳製

文苑補註

卷之五

祭文

三十一

延慶墓親祭文

純宗壬辰

溫文之表睿哲之姿自我不見三歲于茲茫茫厚壤  
一往無回予寢誰問予駕疇陪唯茲冥佑篤我宗祫  
文孫添齡載習方名穰穰春露濯我豆觴曷不歆止

我來躬將

藝文提學  
洪奭周製

綏陵親祭文

憲宗己亥

小子銜恤粵在弱歲聲容莫攀慨廓曷逮於乎聖考  
高明乾剛舜攝堯政武宣文光四載治謨百世典則  
胡不少延丕冒八域先庚後甲荐降大割予藐而嗣  
夙宵祗栗太母臨朝庶事惟康亦賴皇靈遺休無疆

誕揚顯踊仙寢載崇尚闕展掃時予幼冲日月感逝  
雨露惕履夙戒輿衛珠丘孔通劔烏永閔梓栢已抱  
降登愀然慟徹穹昊若黼座侍曷忍旋肆追養繼孝

祗薦芬苾

藝文提學  
洪敬謨製

綏陵親祭文

憲宗丙午

小子銜恤十有七年大隱纏心至慟終天堯勤舜攝  
禹道啓承烝我聖善燕及繼繩而今鼎盛在昔呱嗶  
踐位如求述事增傷恩勤顧復柰何可酬禍移莫慎  
隱度昭諏地卜通垆期告閔夏禮啓方中制重舉下  
皇皇明發載扣復土昊穹深憐厚夜爰煦嗚呼曷旣

文苑補註

續編卷初

祭文

三十五

左右攀慕泣蕙洞酌冀格哀顙

弘文提學趙斗淳製

綏陵親祭文

憲宗丙午

是月是日小子情理求諸今昔殆少倫此哀哀劬勞人所恒言胡寧忍斯之德之恩惟皇降聖將大有為訓不煩傅明自得師四載代聽一治盛會精義絜中敬勤孚外群工率職萬姓樂利漢唐奚論姚姒可致天豈不欲民實無祿榮予恤恤嗣茲曆服仙隧既啓夫日奄臨如朞如覲至慟轉深禮緣情生事絲義起灤朝告設况與時值攀踊有所究慕靡極泣薦豆籩

冀格冥默

弘文提學趙斗淳製

綏陵親祭文

憲宗丙午

灤朝告撤四旬朔更忱豈有格佑迺克成朱陽燿變白露凄清俯仰莫及皇瞿彌并於赫温良顯允聲明一治邵隆萬世法程顧復洪恩倫彛至情嗚呼曷既閔予惇惇寶幘繼序璿室增宏儀文蕙備天日光晶萬一之報詎效寸誠寔絲啓騰致茲嘉亨簡辰夙戒明發爰行投涕激辭崇豆大羹

藝文提學金典根製

綏陵親祭文

憲宗丁未

於皇聖考有恤仙寢僂彼帷屏邈矣弓劍至仁盛德沒世溥滲舜攝華協禹教海漸詒我燕翼孝友恭儉

文苑補遺

續編卷四

祭文

三十一

小子惇惇曷以無忝羹牆而慕淵冰若慄摸畫雲日  
思輯寶鑑東壁圖書西序琬琰繼述是勗蚤夜寅念  
曠展踰暮節物荏苒宿草纏哀濡露興感檜松新培  
風為之撼警咳恍通象設肅儼芬苾孔明式藏精品  
洋洋在上庶幾降監趙秉鉉製  
官大提學  
景陵親祭文當宁庚戌  
仲春祇展居諸無多常事告成誕辰奄過禪彼朱炎  
屆此白藏穹高壤厚寃深慕長於戲聖神業廣基崇  
受之冲齡撫以熙隆孝大尊親倫至承慈惟一我心  
奉三無私聰明密察勇智沈斷威惟霜肅恩斯煦暖

彼蒼者天不欲我治日月收曜河嶽幾隳尚賴洪庥  
大本有紹膺茲投遺藐予寡謏位事興惕時序增哀  
由縑易練小子今來象設雖列龍馭莫攀恭薦醴齊

祗切摧潛

大提學趙  
斗淳製

景陵親祭文

當宁庚戌

粵我英聖其返如疑歲籥條更雲馭莫追載瞻璇丘  
雨露春滋七寢孔邇魯紉攸宜勛華之盛聲明之治  
允十五年如隔晨茲德善仁恩騶虞皞熙于朝于野  
猗邛隆時胡天降割際大有為殷旒遂綴羲輪幾歎  
閔予小子紹茲丕基將何仰賴太母洪慈是位是禮

景陵親祭文

當宁庚戌

三十一

是大行遺苟或違寧托付有靈夙駕祇省深增永思  
永思如何文物聲施惟千萬年嗚呼曷其佑我恤我  
以刑以儀有淚徹昊至哀無辭虔薦洞酌尚冀格斯

藝文提學  
金左根製

顯隆園親祭文

正宗辛亥

鬱彼花山天作吉岡灤水禮遷珠丘卜臧大德受報  
基命溥將長發不遲錫我元良聖甲慈降應期協祥  
邦本永鞏寶籙彌昌感深不洎休惟無疆禮宜告慶  
誠切見牆新春夙駕躬薦豆觴原草再宿寢栢成行  
音容莫逮時物增傷俯仰怵惕痛徹穹蒼洋洋孔通

庶顧馨香

大提學  
良浩製

德興大院君墓敬祭文

當守辛亥

有宋濮秀典禮雖別追本溯源理貫氣徹潛德懿光  
顯允大院誕我穆陵啓我弘遠式今繼繩絜誰之功  
統維制嚴享則世隆勿替有引將千萬歲永荷履禱  
祇承駿惠小子寡昧敢曰趾美殷恢祖甲漢興病已  
庶幾夙夜監先成憲陵謁之路粵瞻吉爨曷既永思  
彌增負慕近宗替獻冀垂歆顧

大提學  
趙斗淳製

徽慶園親祭文

純宗癸未

忍訣玄和永闕幽堂其反如疑望望皇皇若承音容

文苑補遺

續編卷四

祭文

三十一



終焉冥漠招捲迭存寢惟虛閔日月幾何總亦既除  
禮嚴情屈煢煢疾予劬勞之德無地可報瞻彼昊天  
胡不我弔堂萱如昨園草已露徂茲瞻掃肆展哀慕  
真遊未遠靈閣有恤愴乎如聞徂徠惕鏡奩增悲  
松栢助哀因極無所觸境崩摧怛焉含恤祇薦洞酌  
幽顯一理尚冀歆格

藝文提學  
李存秀製

### 祈穀親祭文

皇矣冢土真我大東惟民所止永賴陰功靈騰普施  
景祿無窮躬祈上辛申錫屢豐

右國社

至哉靈祇德配厚坤六府攸宅萬寶之門天休既篤

地瑞宜蕃昭格明禋粒我黎元

右后土氏

於赫明神稼穡之宗民仰其天國依于農景運滋至  
湫氣載濃歆我馨香用康箕封

右國稷

思文農正肇迹于虞配天粒蒸功化誕敷綿秩發祥  
我家同符願降上瑞永綏九區

右后稷氏  
○大提學洪良浩製

### 祈穀親祭文

憲宗丙午

有國有社神地之道德厚化博是惟富媪品物所載  
生民所保先王之禮孔夙以禱靈貺潛周景福來造  
此歲降康坻京梁稻寡德何有惟神惠好農祥晨正  
協風蘇槁三牲六築載薦圭縑以介我黍迺方迺阜

右國社

配尊冢土協靈昊乾機絨兩間寔司化權奠我封圻  
殖我民天精爽孔昭顧我吉蠲屬歲屢豐陰功普延  
西浸阻飢予惟省愆節回首春犁宿東墾卜日躬灌  
齊粟祗虔壇燭有煒叢鼓淵淵庶幾散格申錫康年

右后土氏

原隰之祗尸茲稼穡是曰田祖大本攸殖迺種而獲  
既庭且碩允民庶食莫匪爾極禮隆祈賽靈昭奏假  
騰雪呈瑞春陽布德宵興視斗蒼輅戒夙中和達氣  
樽醴漾潑心香上格儼我所祝所祝維何未黍或或

右國稷

赫赫厥靈有邠肇興規土播穀立我民烝萬世永賴  
澤溥化弘列聖崇報大禧歲承眇予踐位夙夜兢兢  
條風孔時土膏解凝東作將始睠彼畦塍吉日維辛  
殷禮載稱黝牲在俎芬芬時并有感必應顯若休徵

右后稷氏○藝文  
提學朴永元製

祈穀親祭文 當宁壬子

有弈方墳鎮我邦國柔祗載博百昌咸殖降嘉錫康  
裕民四輔歲常崇報用御田祖自我肅廟夙講祈辛  
予有所受曰篤于民首歲齊明圭璧恭先未黍穰穰

右國社

讀兩卷四

祭文

四十一

肇自今年

右國社

於皇后土義與社同利博貞馬功大調鴻介我稷黍  
立我烝民惠我無疆惟神之仁小子承統一念稼穡  
宵興視犂時將俶畋躬蒞明燊心香上并神貺如期

泰平三登

右后土氏

維稷有神明德是馨輔成三農原野咸寧義寓表功  
禮隆報本以妥以侑歲薦精悃泮議汎舟西顧憧憧  
予不遑處夙齊虔恭并壇搢笏斗方指東永惟居歆

頌言屢豐

右國稷

維后稷氏首庶物出始播百穀堅好頡粟德頌斯文

道著有相神俾民稼自昔迄康以歲之正為蒼生祈  
崇墉此擲如式如幾是為大有國之上瑞笙磬同諧

神庶格思

右后稷氏。藝文  
提學李敦榮製

祈雨報謝攝享祭文

正宗甲寅

向違允暘虔祈明神甘露普洽匝域惟均曷報至仁

敬薦常禋門墮並修兼告令辰

右國社

曩愬極無旋降沛澤誠切報功禮舉侑食

右后土氏

彌月憂慙望雲薦牲夙賜靈澍大慰蒼生敢酬嘉貺

庶伸菲誠修墳暨柱祗告齊明

右國稷

始憂蘊隆造蒙優渥恩深粒我禮曷報德

右后稷氏  
○大提學

東苑補校

續編卷四

祭文

四十一

洪良  
浩製

雩宗祈雨攝享祭文

正宗辛亥

太皞有佐德主生發位正東方育我庶物節屆流火  
違此旱魃亟回油然良苗其勃

右句芒氏

赫赫炎皇職思南維薰風養物甘霏孔時一旱太甚  
萬姓其咨俯矜元元造賜祁祁

右祝融氏

至哉神后厚德配天資成品物玄化誕宣烈烈亢陽  
滌滌百川俯念蒼生造運陰權

右后土氏

於皇白帝職主西成功遂萬寶澤洽群生嗟今一暘  
奄過三庚神其佑予一霈如傾

右蓐收氏

維神司水爰宅坎北終始萬物貞固一德胡今亢陽

瘳我稼穡造垂潤下惟日斯亟

右玄冥氏

思文田祖肇降嘉穀職司農三功著播百嗟今驕陽

逾月恒燠願垂靈貺錫以大熟

右后稷氏。藝文  
提學洪良浩製

國內山川祈雨祭文

正宗己未

萃彼太華作鎮箕邦歲屬土旺百穀占豐春徂夏屆  
亢旱跨朔始賜霑潤終靳優渥圭幣祗薦宵旰靡寧  
齋居修省冀格明靈

右三角山

巖巖維岳奠我神都萬民攸瞻冥應孔孚四野惜乾  
三農望霓非無膏苗猶未盈犁虔誠默禱靡愛斯牲

文苑補遺 賈嗣卷四 祭文

四十一

亟運神權活我民生 右白岳山

滔滔清漢為國之紀萬物滋潤博我功利憫茲驕陽  
嘉苗將槁既興祁祁旋出杲杲咨子殷憂念彼周黎  
仰瞻雲霓恭薦璧圭 右漢江

有山崔崔引慶而午興雲泄雨厥施斯普一旱彌亢  
百畝將圻豈神弗惠寔予否德乍沾仍慳田家望澍  
冀監菲誠亟賜霈注 右木覓山○大  
提學洪良浩製

四門崇祭文 正宗丁未

維神維赫岵夷之宅大德曰生既暎而澤雨方千里  
下民其蘇霈迺數旬平陸其湖澍熟不穫苗勃則瘁

曩予控極是日載陽所愧菲誠亦惟神朮載收雲旂  
曝我田疇 右東方山川

祝融之靈鎮我南維秩于祀典冥應不遲曰雨而雨  
雨反恒若燒确猶沮矧爾膏沃咎實在予蒼黔無告  
自顧殷責屢煩魯禱苟利於民靡愛斯牲莫我違

天宇晴朗 右南方山川

曰稽伊祈欽若寅饑平秩而成民夷烏毳有顛則驗  
捷如霆鐘昔我憫旱雨車駕龍龍施斯普靡日不陰  
一無一備難適衆心維予取憂豈憚再瀆亟鋪陽煦  
雲霏解駁 右西方山川

於惟玄冥元氣融結福我民社雨暘以節奈彼甘霖  
跨朔不止七月流火一望潦水萬黎曰咨其魚則那  
子乃菲食衣不穀羅縱予否德亦神之羞爾將遵豆  
式冀冥休

右北方山川內閣  
知製教尹行恁製

八道兩都屬祭文 正宗壬子

厲之為氣蓋由鬱結所崇雖異其理則一予主神人  
饗祀罔缺云胡干和連年未熄東作將始厥民載祈  
倘熾而蔓孰稼以穡無民無食神其疇託回灾作禱  
維神之責亟收乖沴歆我酒食

弘文提學  
李秉模製

樂章

列朝上尊誦樂章

肅瞻簾帷聖母穆離京室思齊坤德含弘炳幾默運  
氛翳掃空義揭日星惠洽憺懔翼安嗣王宗社之功  
名焉不有儀維彌隆於顯謙光被我大東萬年長樂  
祝嘏齊嵩

貞純王后  
上尊號

穆離一章十六句 水原留守  
鄭大容製

於休太母膺沙麓祥配我聖祖翊我寧王式至于今  
有烈其光基惟磐石樹茲彝常靈美躋六而壽而臧  
何以報之琬琰斯煌何以祝之如山如岡疊疊聖孝  
慈德乃揚

貞純王后  
加上尊號

文苑補後

續編卷四

樂章

四十一

有烈一章十六句

領敦寧金  
祖淳製

天維配命世有哲妃  
媿哉文母及姜于媚  
爰敷玄化履艱愈輝  
葛覃風自濯龍申之  
序其皇矣母曰崇徽  
迺精迺徽先君是儀  
謙而彌尊萬祿祈祈  
慈我群黎永綏邦基

孝懿王后上  
王大妃尊號

天維一章十六句

戶曹判書  
趙鎮寬製

高高惟天穹冒下土  
載厥生生孰間而覩  
穆穆我王儼思則之  
篤恭之道裳衣其垂  
帝眷克肖錫無疆慶  
文子文孫承承駿命  
萬稼攸同百工是式  
於千億禩不顯一德

純宗上  
尊號

惟天一章十六句

領敦寧金  
祖淳製

帝眷東顧純祖有隆  
仁深澤厚業廣德崇  
稽三紀勛耆萬世獻  
曷既永頌章我彝憲  
王曰福汝於赫神孫  
神孫之休實維洪恩  
孝光揚先慶大尊親  
載鐫享尹熙諸無垠

純宗上  
尊號

有隆一章十六句

戶曹判書  
趙斗淳製

厚德無疆克配上聖  
翟禴有禕自先王命  
東海湯湯孝思攸準  
日月齊明化及肖蠕  
誰能揚之惟我元良  
惟孝之承惟德之光  
百祿來臻慶于孫子  
萬人歌舞于胥樂只

大王大妃  
殿上尊號

教範補教

續編卷四

樂章

四十五

孝德一章十六句

大提學金履喬製

思齊太母維聖配聖燕翼詒謨基我景命琴鍾于周  
載播歌詠簾帷于宋載布政令含章資元維德之盛  
我王朝廟吉日春孟有典有冊徽烈無競受茲介福  
孝孫之慶

大王大妃殿  
加上尊號

思齊一章十六句

藝文提學鄭元容製

慈覆含弘赫赫太母順承配德篤生裕後簾帷靚穆  
保佑我后我后親政帝社既受燕喜無疆長樂萬壽  
謙而彌光聖不自有顯冊揄揚宸誠盈在環海慶頌  
第祿孔厚

大王大妃殿  
加上尊號

慈覆一章十六句

知敦寧申在植製

於皇太母克配厚坤維德誕聖厥謨詒孫光臨簾陞  
慈化丕闡隆養長樂睿孝彌準吉慶無疆是歲維戊  
孔聖耳順幽堂眉壽鍾鼓和奏百祿攸宜揚以顯冊  
寧考之思

大王大妃殿  
加上尊號

於皇一章十六句

行大護軍徐箕淳製

於皇太母女中聖人丕冒四極其德曰仁曰我綴旒  
奠我磐石迓續景命基我萬億壽考以寧久道以正  
巍乎蕩乎維烈無競琬琰載陳磬鏞斯諧壺壺王孝  
降福孔皆

大王大妃殿  
加上尊號

文苑補遺

續編卷四

樂章

四十六



久道一章十六句

右議政升  
永元製

丕顯聖母克闡徽音坤德厚載君道儼臨簾帷定策  
奠我宗社裘冕重抗靖我朝野誕釋萬幾燕翼謨永  
千乘膺養十行申儆彤毫揄揚有光簡編煌煌寶冊  
長樂萬年

大王大妃殿  
加上尊號

丕顯一章十六句

上護軍徐  
箕淳製

於皇聖考天寶眷佑赫赫明明允王維后禹道啓承  
堯勤舜攝仁孝丕顯聖人大業四載邳隆基命宥密  
克開厥後式休今日永言駿惠恭薦追揚昭茲萬年  
誕垂耿光

翼宗追  
上尊號

於皇一章十六句

刑曹判書  
李若愚製

猗歟太母倪天之光祥發殷宗媚思周姜重華昔攝  
吉叶黃裳長樂今奉養隆前王實我徽柔啓爾熾昌  
孝源百行裕後無疆玉牒載揚寶篆斯煌考德撰辭  
大庭于揚

王大妃殿  
上尊號

猗歟一章十六句

判敦寧金  
道根製

於休太母克配寧王贊虞攝堯媿任媚姜慶膺篤生  
綏我本支致千乘養福履申之籌啓大衍俾昌而熾  
慈德采隆宸孝不匱迺獻迺聖載揚徽稱春暉長樂  
萬億以增

王大妃殿  
加上尊號

經我一章十六句

清寧君金東健製

維塗維莘天所命之維徽維柔民所敬之敬之命之  
聖以育聖先王睿智孝於為政玉牒瑤觴于家邦慶  
教不出閨化則溢境小子紹明尚賴斯盛祇薦懿光  
眎無與競

王大妃殿  
加上尊號

敬命一章十六句

工曹判書  
金左根製

猗與大妃克配先王儷日竝耀體乾含章邴邴夙夜  
通昭嘉則媚姜嗣任徽音懿德陰化穆宣六宮戴恩  
我后繼序禮備儀尊顯踊揚烈有煌冊寶於休至哉  
以祈壽考

王大妃殿  
上尊號

徽音一章十六句

上護軍尹  
定鉉製

於休錫祉爾穆禹光龍旂裸將洋洋帝傍  
於休一章四句 迎神

齋我誠明將以承筐猗那思成紀事孔康

齋明一章四句

奠幣

我牲既備于登于豆是享是宜子孫其佑

其佑一章四句

進饌

帝眷篤生潛光駿聲升歌象德鐘磬有鏗

帝眷一章四句

引入

震索應天受命代理令聞餘烈後孫垂祉

震索一章四句 初獻

祝告維吉享儀不愆神其保佑於千萬年

維吉一章四句 引出

篤慶延休其祥長發駿奔祖位肅雖對越

篤慶一章四句 引入○亞  
終獻同用

天啓休運德洽重光本支百世俾熾而昌

休運一章四句 亞終獻  
同用

於乎不顯徽柔養德既享我誠申降遐福

徽柔一章四句 引出○亞  
終獻同用

有芬有苾式禮孔嘉廢撤不遲登歌永嗟

有芬一章四句 徹 遵豆

我禮率度神樂康而鶴馭杳邈送覽旌而 右景慕宮

我禮一章四句 送神○大提  
學南公轍製

猗與慈覆慶雲之光聖人養志文孫協祥歲周誕彌

第祿逾昌曷以昭受塞淵含章壘壘我后述事寧王

維徽維穆德音是颺笙鏞既和琬琰斯煌萬有千歲

同此樂康 獻發惠嬪  
加上尊號

慶雲一章十六句 禮曹判書  
閔鍾顯製

進豐呈樂章

綿秩百世慶猗蘭七月秀聖酒黃花節齊稱萬年壽

衆樂集宮庭穆然王心寧適駿揚德聲式燕承至歡  
及早真是樂宮中聖人顏渥丹

右先唱

宮中聖人顏渥丹安富尊榮樂千春樂千春慶萬民  
萬民齊聲賀君王庶事康哉詔元良宮中聖人夫何  
為天上麒麟抱在膝日月光華雨露調坐見蟠桃花

復寶

右後唱○大王  
大妃殿進爵

綿絳二章章十句

大提學金  
履喬製

化日遲遲鳩杖徐徐或抽朝籍或從村間黃髮鬢鬢  
王笑以視汝等豈知寔慈宮賜慈宮荷天周甲載屆  
用敷厥庶戶董家艾王庸順志奉省珠丘既進寶饌

惠減一州群老醉飽拜稽獻芹獻芹伊何北斗南山

華城洛南  
軒養老宴

化日一章二十句

右議政蔡  
濟恭製

瑞萱茂昭暉年年玉階前延禧攀舊章景春權今筵  
六珈肇百福九爵慶萬年慶萬年壽彌康太妙金母  
來捧觴瑤桃佐肴顯顯香

右先唱

瑤桃佐肴顯顯香結子三千仙李昌仙李昌樂無疆  
厥初惟姜嫄百世衍本支慈德享錫類來仍皆壽眉  
子孫受多福永歌寧

右後唱○獻敬惠  
嬪冠禮回甲進饌

瑞萱二章章十句

內閣知製教  
沈象奎製

文苑補遺

續編卷四

樂章

哀冊文

五

哀冊文

貞純王后哀冊文

純宗乙丑

禹穴啓兆商殯就締侍御綸捲工祝祖撤陳仙仗而  
外辨戒靈駕而前發背三朝之翟禕指一岡之象設  
主上殿下皇皇攀踊累然冲年誠未罄於報暉痛永  
違於終天惟徽化之不泯雖百代而可傳思徵信於  
石室命揚烈於瑤篇其辭曰王道之興肇自壺政歷  
攷彤史我朝最正於赫聖母法門毓慶潛光儲祥天  
啓德性配體英廟繼範貞聖紘統克勤藻蘋惟敬坤  
化默運承乾以靜運丁艱虞歲在乙丙密贊大策永



鞏邦命日輪初昇陰翳自屏猗寧王孝舜文之行慈  
心為心尊我所秉愉怡洞屬寢膳溫清準之四海嗚  
呼其盛練裙含飴樂寓晚景時有疑危炳幾察影聲  
色不大宗初永靖正考禮陟隆養未竟國勢綴旒神  
人靡騁我后天只薦惟深靚曾孫有道續述是儼初  
筵慈教玉音嗚哽曰若大義生民綱領先王之守未  
亡攸警極天罔墜日星其炳君君臣臣反則集鏡象  
鉞辭嚴琬琰歲徂大防斯立凶穢莫逞邪術肆蔓正  
教漸梗五刑五用廓以四境瀟彼群蒙永言喪惺野  
詢疵瘼朝徠諫諍賢德無隱弓旌遍聘遇慶益謙應

文苑叢書  
卷之四  
五十一  
一  
灾必省薄海以東咸游咸詠自任如來功莫與競亟  
釋機務不待群請寤若無跡太虛寥淨花甲重迴寶  
婺增暎鏤玉稱能綺儀方整萬年之祝庶伸忭幸云  
胡理舛哀慶俄頃佇海屋之騰頌奄總幄之告凶三  
光盪而失躔百靈踊而徹穹春暉邈而莫攀慨微音  
之長終嗚呼哀哉居后妃位法勛華治後于宣仁太  
母有之無能名於至德莫匪極於斯民措國脉於泰  
磐繫誰功而誰恩嗚呼哀哉一人在疚孺慕靡極殷  
閭恭默膝廬深墨躬艱大而藐爾奉至意於身教違  
慈顏於一夕更無地於追孝嗚呼哀哉不嫌預凶用

示寧儉後事之戒民國是念籙白金而孔碩篚文綺  
而有章頌宿儲於內帑詔勿煩於水衡嗚呼哀哉鬱  
彼元寢聖祖攸莊玉匣將附珠丘允臧知有慰於陟  
降儘無憾於幽明悽愴萬於一閣共月遊之洋洋嗚  
呼哀哉靈辰不居遠日奄屆祥車夕列敢殿晨啓風  
樹悲而莫定逝水忙而難回簫挽緩而出都矐京闕  
而低徊嗚呼哀哉籲天無從沒世可忘真遊寢遠遺  
烈彌長嗟至大而至博與宇宙而齊化衍積慶於本  
支永於萬而錫嘏垂蒼珉而載颺史不勝於摸寫嗚  
呼哀哉

上護軍金  
載瑣製

文苑叢書

卷之四

哀冊文

五十一

正宗大王哀冊文 純宗庚申

龍輅纔啓蜃衛既同簡此元辰即彼玄宮人靈浩其於悒天地為之慘慄離楓宸之赫弘指柏城之幽闇于時主上殿下哀結崩天痛纏辭緋攀雲馭而莫逮緬風樹而增咽廓三朝之永違條五朔之斯造降雍言於下臣託休光於瑤鑄其詞曰粵自羲皇暨于湯文聖聖繼統帝王之門孔未得位斯道在下歷漢越唐世入長夜無往不復我后膺期運撫重熙姿挺上知髫齡出閣妙選英俊聖祖曰孝錫以銀印此總監務重整乾坤高明燬臨積陰崩奔初元之教立我人

極誰其干紀以誅以殛不怒而威薄海率服無念爾祖咨乃喬木天下萬事惟義與理任以師道予非獲已精一心法矧有所受金秤玉衡毫芒不苟惠迪則吉違曰恃德勿貳勿參審我順逆二紀之治此其綱領慎終如始壹是以正欽昊法勛見墻儀萃惜才致工建中視柯丕謨丕烈爰集大成天覆地載洋溢聲明燕不露寢對越潛誠穆穆清廟洞屬其思有仇宮園隆殺咸宜風泉之感壇香時升萬折必東符于寧陵宵旰忘疲經史凝道曰秋冬交民事粗了經選手圈儼乎朱黃集粹會哀宗我紫陽百編在箱雲漢昭

回為典為訓燕翼後來乃造吉髦泮水洋洋乃詰戎  
兵豹旂烏章儉崇卑菲戒嚴貨色史不勝書百王所  
則日月有明容光無遺江河流澤庶物咸滋皇道清  
夷寶宸垂拱調露時風導揚天寵歷選往牒功莫與  
京統接三五學兼周程君子萬年第祿穰穰如升如  
恒方期無疆胡皇天之降割忽馮相之告殺循大化  
而陟方闕宸景而厭臨嗚呼哀哉龍髯脫湖驚輅上  
鞠晨漏警節畫嬰告引門燎况其德輝慶衛儼其威  
容恩覆燾而已邈淚穹壤而無從嗚呼哀哉化機升  
沈眇不可窮聖人之作道積厥躬孝感神明仁包寰

宇集于禮神之圃純于文德之圃軼三古而無憾御  
六位而時成紛川流而敦化撫孝理而感亨何志事  
之未卒抱至寃於群生嗚呼哀哉虞日淪精祀天傾  
軌聲教未訖休運中否帝鄉已遠黃道多曠麟經無  
可讀之地髦士抱安做之悲昏衢迷兮莫燭橫流倒  
兮孰障惟關和之則有奉周旋而不忘嗚呼哀哉聖  
母攝政薦儀悽惻冲玉在疚戚容深墨黼座如昨真  
遊何處脩夜不暘靈辰斯遠去復去兮安適悲莫悲  
兮永訣違閭闔之靚穆即岡坂之帶嶽嶺黃流而告  
遷纒素紉而就祖齋孺慕而一慟遂奄成於千古嗚



呼哀哉維南有岡隣于仙園感字終天氣結厚坤白  
虎騰精青烏叶吉泉源綿聯松梓通密蘊靈秀於一  
麓結佳氣於千嶂諒無間於幽明豈有隔於精爽嗚  
呼哀哉道之將興無我君師民之無祿喪我考妣仙  
輅不返至澤空留型範與金石不泐禮樂并雨露同  
流蕩乎大德之難名煨乎至業之莫述冀於昭之日  
監牖緝熙與有佛微顯謨於翠珉庶彷彿其萬一嗚  
呼哀哉

沈煥之製  
官領議政

孝懿王后哀冊文 純宗辛巳

龜墨啓兆鳳曆叶吉竊殿筵卷幘階祖撤陳廢衛而  
已戒奉靈輜而將發背三朝之翟御就一岡之象設  
萬姓雷哭兮送輓百靈雲護兮攀躄惟我主上殿下  
永違終天追考無地悲春暉之莫報痛慈徽之長闕  
爰降綸於蘭臺俾揚烈於玉宇其辭曰華閔積慶沙  
麓儲祥明聖毓靈太母承光夢虹之夕園萼室香不  
待保傳自中矩度德侔坤厚孝根天賦冲歲率性藹  
乎其仁勿剪勿拔生草方春英考妙簡克配文孫宗  
國之托煌煌八言夙罹多難益循柔範順以應變安  
於處坎寔享天心固非孝感語到輒涕孺慕終身壽  
母攸嘉慈音諄諄正位坤極愛敬深摯一德靡間百

行斯備寶齡躋臺侍湯罔忽誠篤忘勞億積成疾承  
紀如在齊明達晨沁園友至昭陽恩均濯龍靚穆干  
謁自屏貨無私齋恩絕曲徑翼我聖子光膺母儀養  
隆備物樂寓舍飴先王攸秉鴻冊何心不顯其光抑  
抑惟謙舟梁盛禮舊甲今歲歡均匝域慶實稀世神  
理難誌哀樂相因慈覆之天無處更攀薄海彌眺凡  
我臣民嗚呼哀哉至我我后母臨五紀無名無跡是  
任是如畫婦道於聖祖贊壺治於寧王承先烈而益  
光啓後昆而彌昌嗚呼哀哉自庚申後慈化偏厚我  
顧我復小大咸圍覃普澤於地育慰舊慟於天崩方

群情之仰戴遽真遊之遐昇嗚呼哀哉湘巡無返社  
飯如昨閔然丹掖緬矣碧落陳玉衣而若臨拜珠襦  
而誰御星露悽而已秋葆嬰催而將曙嗚呼哀哉粵  
瞻健寢密邇先園風水不滅移卜鄰原既灤封之并  
穴矧魯紉之同辰想洋洋於月遊庶無憾於神人嗚  
呼哀哉仙馭已遠德音不墜先君之思邈然靡追回  
海屋之祝籌儼靈攢之就緋琅玕燦而載颺揚彤管  
而不沫嗚呼哀哉

判府事金  
載璜製

純宗大王哀冊文

憲宗乙未

黼翬既列羽葆將啓祥車在門廢馬在陞于時雲淒

文苑補後

續編卷四

哀冊文

五十六

兮兩儀色慘風號兮萬井聲悲離宸居之肅穆就祖  
道之逶迤千官奉紼而雨泣百神護輶而星馳惟我  
主上殿下慟燕謨之永違哀蜃儀之奄成屬下臣而  
陳辭鐫顯冊而揚聲其詞曰正廟中晚震位久虛庚  
戌降聖遂命定儲宗社恭磐四重令譽身教物誨恭  
遵義方學惟時敏功則日將負宸之歲尚少成王憐  
廬哭位孝于妣姜敬天法祖親賢愛民得於家法天  
昇之仁三晝講讀一堂俞喟不習自工餘事著述玄  
機默運化源自清繼述光前大義闡明洋術瀆倫西  
醜弄兵不怒而威氛翳掃平昭格祖考禘祀孔虔或

時命攝香祝躬傳迺觀于華迺遷于灤至誠得吉天  
作高山敬禮大臣體九經訓雖值靜攝不冠不見翁  
受敷施如流從諫四門洞闢幽枉畢聞細糴寅畏窮  
藪子惠宣頤燒案祛民痼弊潦飭掩骸寒軫流丐每  
遇歲歉減供寬稅恫若解懸凜乎履薄馨香升聞天  
心孚格君子抱孫前於不惑雖古哲辟治近四紀喜  
怒偏私遊政奢侈或有可議見於前史恭惟我后一  
出天理由仁義行南面恭已有如不信百世以俟歲  
行在寅前星忽墜至慟纏心天顏已頽无妄一疾罔  
效藥試凭几道揚一國奄棄嗚呼哀哉法殿兮空虛

靈帷兮寤寐莫攀弓劍徒遺几烏悅玉音之若聆儂  
取光之莫覲異平日之朝儀紛盈庭之哀統倚今嗣  
王新服厥命文顯武承以聖繼聖太母垂簾保佑上  
躬與昔宣仁德侔女中庶仁天之祚宋終悔禍於我  
東嗚呼哀哉鬱彼坡岡聿卜佳城名師夙贊龍鳳騰  
形衣冠攸藏萬年安寧寔天慳而地秘信有待於效  
靈嗚呼哀哉脩短有數聖凡皆化夢九齡之無驗邈  
難最於厚夜然純德與仁心無能名而有成功亘萬  
禩而觀七廟刻琬琰而被笙鏞嗚呼哀哉

奉朝賀南  
公轍製

翼宗大王哀冊文

純宗庚寅

蜃衛宵戒晝敢曉闕贊臚如常儀采冰昔違鶴禁之  
靚穆就烏岡之邃負百靈歛翕而警衛千官踴眺而  
趨合惟我主上殿下情篤止慈慟纏技心悼承華之  
芳歇盡前星之光沉苑幽懷之莫泄愴休聲之永隔  
爰命下臣載揚顯冊其辭曰天眷我東篤生聖嗣華  
虹流采雲日曜瑞貴維嫡體尊居貳極教自胎正德  
由天得清粹蘊中英華彪外衆善兼括維孝為大彩  
衣若干日侍兩殿秉心洞屬蚤夜寢膳十有五載養  
德春宮聖后曰嘉汝代予工騰章固讓弗獲迺就四  
勿九經心法以授邦基增鞏聖德益尊和氣致祥載

文苑補遺

續編卷四

哀冊文

五十一

錫神孫報本揚徽誕舉崇踰手擎玉牒大庭舞蹈秩  
秩九爵再祝岡陵敬慎在祀以綸以烝溉滌登降孔  
熯莫愆樂洗噍節宮羽相旋德教乃刑百度皆貞凡  
民疾苦頽若倚衡一方告饑帑貨船粟禹恤百畝文  
慎庶獄恩言日播野老扶杖言有逆耳匪怒以賞曠  
世獎節在野求賢肅將壇享感結風泉祝遵遺曆罔  
奉秘牒銳志典學批墨猶濕欽華就實義易魯論敬  
天勤民座銘格言崇儉節用柱帖炯戒吉慶方至景  
福以介何皇穹之降割倏真遊之已催神鬼為之震  
驚風雨與之騰哀嗚呼哀哉琪花早零良玉易壘理

固多蓋天不可問雖微疴之偶嬰宜大德之必壽纔  
刀圭之泱旬遽群望之遍走扶雲漢而叩紫闥兮黃  
神邈其靡質蓋塵世之厭汚濁兮乘元化而訪太一  
嗚呼哀哉甲觀儲祥慶溢舍飴燕翼貽謨鐫冊消期  
既福履之終行忽悲歡之逕庭抑睿情使眷結信天  
意之宵寘嗚呼哀哉銅闈兮虛廓鶴駕兮超忽悲風  
旖旎兮羽葆轉曉月蒼涼兮衰輓發礙將行兮肅穆  
若有覲兮徘徊慘不光兮漆燈漠無晨兮夜臺嗚呼  
哀哉鬱彼佳城鳳翥龍翔挹天藏兮嶽萃攢茂松兮  
水長先寢兮密通神理兮允叶高玄扉兩銅重泉儼

象設而詔百切嗚呼哀哉水流雲徂萬像盈虧諒聖  
凡之同轍竟脩短之孰尸然惟至德之在人兮於乎  
沒世其可忘汗青簡而不朽兮冠蒼旻而無央嗚呼

哀哉

戶曹判書  
朴宗薰製

翼宗大王遷陵哀冊文

憲宗丙午

明宮撤祖廢衛戒列龍旒乍褰鳳翼載設物采爛而  
始具容音通而更闕詹真遊於雲鄉移寶座於神隱  
嗣子主上殿下哀膝廬之莫追慨灑朝之有期攀鴻  
號之增光命下臣而陳辭其辭曰於穆皇考克類克  
明德光攝理禮尊崇成沒世之思孰狀天日聖神有

作禎祥斯出騰虹稽軒夢龍徵嚳嶷嶷日表帝祐攸  
篤毓德青邱垂二十載王曰予倦予務汝代九經範  
治四勿率禮式承明命允蹈允臚惕在民隱做惟官  
師邦之否泰岳牧是咨有墊而饑帑捐船哺飭庾恤  
獄嚴課寬租齊明其德將我烝嘗奏察皦繹誠格馨  
香本乎敬天寓慕皇壇尊奉闕史琬琰始完環轉容  
諍鑑烟燭幾粹然天理好惡是非原茲百善維孝為  
美永言錫類載誕聖子兩殿悅豫協氣呈祥玉牒揚  
庭瑤爵騰岡以報以祈第錄川至宗祐鞏安臣黎樂  
利久道之化大德之壽其庶幾見匝域翹首嗟皇天

之降割奄少陽之韜景百神紛其失依八表昏而靡  
命嗚呼哀哉煌煌天位不有于躬貽厥燕翼繼序受  
同雖豐享之永蓄而顯冊之丕膺深慟兮少塞神理  
兮之徵嗚呼哀哉有儼東封增厥儀式風水莫論睿  
思罔極勞玉趾兮相度占金粟之新阡謀卿士而大  
同考彝典而則然嗚呼哀哉象設既肅蜃輅再陳吉  
仗猶昔遠日告辰望闔闔而延佇指丘原而宵漢曉  
露泥於繅綉炎吹轉於褚幕嗚呼哀哉拚慕奔走如  
復近光震踊涕洟若新陟方倏萬事之嬗遷廓群情  
而惆恍集縞衣而雪霏遵青郊而渺莽嗚呼哀哉峻

協明德濬發積慶典禮斯隆光輝彌盛揆舊鑑之殊  
稱撫聖徽而載颺嗟宸孝兮無所不及盍往觀乎聖  
人之葬嗚呼哀哉

吏曹判書  
金興根製

憲宗大王哀冊文

當宁己酉

敢惟宵啓廢仗曉移龍輶繅綉鳳旒揚三光闇魯  
而氣慘萬姓噉哭而聲沸真遊邈兮何所仙鄉閭兮  
靡逮惟我主上殿下禮重繼體哀動戚顏悲黼筵之  
遠廓慨喬弓之莫攀爰命彤管俾載翠珉其詞曰天  
眷我東篤生聖人姿挺岐嶷德蘊明仁冲齡就傅睿  
工日新禮訓允容周寢三朝是時宗祊磐石泰喬三

后一堂不顯佑啓純宗維祖翼宗維子聖聖相承先  
王維孫昇平於萬斯嚮普均如何昊天弗慮弗圖先  
庚後甲洊罹疾荼榮宸宁有茲投遺授受精一重  
累洽熙於乎可忘之德之光玉振金聲鳳質龍章至  
治難名老咏髫髫我后其仁維堯巍功有成弼  
諧典慎烝我后其哲維舜家儉邦勤左準右矩我  
后以之無間如禹彰信躋敬肇紀遂良我后以之執  
中如湯邁駿有聲譽髦作人勉勉我后如文之純官  
賢位能敏功公說勉勉我后如武之烈哲命自貽小  
心夙夜兢業萬幾代工敷化齊莊臨朝百僚率職惠

懋議貸政先勸耨振勵宏綱庶績咸亨董黠治射課  
衿研經增修真殿慕寓省覲續纂寶鑑祗承謨訓天  
意悲忱灑移吉岡鑿驛屢戒敦事躬將情禮罄宜儀  
文丕彰聖心乃悅豫雲鄉兩慈康寧寶籌添屋稱  
觥進踴秩祐斯篤告慶于宗闡徽祖彌誠切見墻孝  
隆準海洋邪魑染睛愚誑蚩衛正觝異痛斷鋤治方  
宵旰之憂勤期盼變之可致何皇穹之降割查威顏  
之永闕嗚呼哀哉仁壽莫徵與善難諶痛綴衣之載  
設奉憑几之末音瞻總帝兮儼遠宛寶座之有臨違  
丹陛之森衛馭白雲兮遐舉縱耿光之隔晨夙冥邈



兮千古嗚呼哀哉靈辰兮儵屆雕韉兮將引嚴霜淒  
冷兮凝素紉悲颿蕭颿兮雜哀輓霓旌飄兮逶遲神  
路爾兮脩遠厚夜漫兮莫追終天訣兮何忍嗚呼哀  
哉鬱彼東陵佳氣氤氳從先兆而聯麓偕儷極而同  
原香火共享於寢殿衣冠通陪於松楸象設護兮玄  
隧烏經叶兮珠丘感幽明之一理尚依歸於千秋嗚  
呼哀哉脩短不齊司化莫晰大運無停水流日逝孰  
有涯而永存唯德音之不沫雖往駕之罔援庶來芳  
之可述托琬琰而備載垂窮宙而無缺嗚呼哀哉

提學徐  
箕淳製

孝顯王后哀冊文

憲宗癸卯

玄隧屆辰朱攢啓夕增撤祖鬯門引容翟崇徽章而  
出籟爾池綽而離郊楚挽咽兮宵泣神路脩兮殷跽  
主上殿下痛厚載之既傾悼芳華之夙歇循椒塗兮  
集靈轉金祀兮閉月躬臨宵載愔乎終天爰詔掌禮  
昭敷鴻編其辭曰二儀儼升萬化端造無疆合德貞  
吉邦道昔步蒼黃惟庚暨甲嫫我冲眇緬彼涯涉釋  
麻而卷時桃載華姬命在渭漢兆曾沙瑞室呈靄靈  
樞啓秘含貞體和辭吉容粹光挺景胄陟配天璣聽  
內治範續世令徽婉孌幼儀媚茲坤則榮質蘭馨惠

心淵塞孝達承慈柔進協健晨昏靚穆敬以持邈兩  
殿曰嘉天篤匪強怠無身設愛有色養覲私存飭逮  
下極仁四教純燬六宮邕閭微彼榮卉虫豸亦遂式  
玉式金珩珮之悖房樂既隆國風其肇化浹葛膠德  
盛蘋藻陰功潛藹寶祚永馮相告氛星軒淪景嗚  
呼哀哉律狄虛列總暢空承結宸慟於喪泐感慈衷  
於垂矜歎忽兮壹治疢寥兮餘慶三靈變度兮慘阻  
萬姓實庇兮哀併嗚呼哀哉題湊既飾靈辰不淹八  
神警鞠六駮戒廢地冥冥兮道無極將送形兮襲重  
泉香奩閣兮塵委繡缸暖兮風懸嗚呼哀哉鬱彼佳

城先寢遺兆珠立兮松栢連玉欄兮花更繞懷帝鄉  
之陟降兮棄神京之隆厚背國門而西指兮儔山園  
而東首壽原兮夷體丹掖兮不歸大化兮莽莽脩短  
兮同機蕙萑萎而流馥兮玖瑤毀而燭晶維至德之  
可述兮託彤管而垂名嗚呼哀哉

右議政權  
敦仁製

獻敬惠嬪哀冊文

純宗丙子

蜃轉爾軻雕攢啓塗筵卷六衣俎撤三斟露緋凄其  
催晨雲旌冉冉而引曉背春殿之崇敞僚夜臺之冥宵  
跋華道而殷號痛昔還而今否瞻望靡及想像奚叩  
我聖上殫誠祖饋憑慕宵載哀洪慈之遽闕孽宥慟

而如再懷陟降以為心覲彷彿而摧臆乃命下臣式揚巍榮其辭曰思齊太任顯顯徽音京室之婦文王之母德維思媚胎已有教言而推本雅詩是傲蔚彼豐山媿吉沁水鍾靈洽祥寔誕澍媿王姬肅雍慶衍來孫錦裝有煒光儼儲尊天與精粹生知淵懿柔儀夙整女則洵備承歡三殿婉孌瑜珮翼翼孝敬眷眷嘉愛蒼邱代聽徹畏在意樂則鐘鼓規以簪珥夢叶飛龍乃生聖胤功先正養乃堯乃舜兩后遐陟哀禮游執恒手六饋必躬九泣此事貞純一若貞聖藹然和順外自釁競不吊閔割畫哭聲吞抑恫制義愉色

彌哀聖祖曰嘉匾孝以寵至誠動天宗國永鞏寧考終受壽母燕喜帝王曾閔盛無與比玉冊遵用綵衣碎筵詩賡鳧藻願以年年是日流虹又慶含飴極知非偶定感神祇覃恩廣惠苟流慈澤天休人瑞翔翕燁赫祀穹忽傾萱暉長慘願賴文孫勉延痛憫躋七兮希九萬呼兮岡祝每願喜於勿藥寢有愆於恃粥竟極曜之爽度奄婺宿之淪輝人間無切於於戲天上庶慰於離違嗚呼哀哉筮龜屆吉廢醜莫繫抽款霧興揮淚兩集鴨燈兮委燼驚慌兮施紉蕭挽橫咽而何訴羽葆前翹而何進將無戀於棄捐若相反於

平生蓋掩抑而衣顧轄倭遲而遂行嗚呼哀哉終冒  
先具巾綈宿製以寧儉而示範要不費而為惠敦匠  
又以昔金是無病於邦供仰均恤於先朝民至今猶  
有蒙嗚呼哀哉昔歲旃蒙寶甲光回謁珠丘兮湘巡  
扶玉輦兮天迴載觀華封仍張瑤宴蟠桃侑兮壽觴  
老萊唱兮行殿緬天星之廿換欵人事之一遠柳拂  
嬰兮如迎草輶輶兮寧返嗚呼哀哉粵瞻仙園益欽  
孝慕方中兮虛左禹穴兮滄紉為今日之合防自昔  
年之遷轡曾慈眄之攸託兮僂神理之相安攀象設  
於健寢兮亦孔通於接岡千秋兮萬歲樂無違兮雲

鄉嗚呼哀哉生固有涯壽而猶哀蓋聖哲而逾然由  
德美之可懷而見聞之在人恐寢久而無詳摘彤管

而永言勒寶琰以垂光嗚呼哀哉

知中樞沈  
象奎製

顯穆綏嬪哀冊文

純宗癸未

畫旌啓塗雕輜肅軻犧樽既撤蜃衛將進違禁闈而  
徐引指玄室而漸遠惟我主上殿下攀號靡逮摧慕  
采新慟此日之終天念厚夜之莫晨爰命瑤臺而紀  
績俾鐫寶牒而恭陳其辭曰潘南靈緒世襲圭組彬  
鬱名頌華赫門戶寧考在宥儲位久缺廣求哲媛于  
彼顯閎嬪於是時光膺揀擇迺徵迺幣殊禮曠昔性

度淵懿神襟蘭郁三朝殿宮瑜珮雖然書紳女則率  
行無愆深荷天眷仰贊坤化終始一德令聞遠播太  
歲在戌無疆邦籙慶溢區宇功存宗祏遇泰益謙小  
心翼翼奄遭天崩慟經晝哭歸侍玉欄常願其速然  
猶抑情保護聖躬疾恙飲食寒暑風雨造次不弛一  
念憧憧運回千一謠騰四重喜深繞膝歡均延頸昕  
夕怡愉娛茲晚景孝心所推志物備養一國隆奉六  
宮慕仰无妄一疾乍瘳旋添胡昔祝之岡壽僅五旬  
而踰三莖冥漠其若茲竟難追於德音嗚呼哀哉一  
人悲疚千官悽愴歲籥條換即遠而奠服麻總於三

月遵古聖之定制耀竹冊於千載節壹惠而為謚珠  
襦兮香歇鏡奩兮塵委風簾動而蕭瑟夜臺邈而悽  
悲瞻寶篋之逶迤去復去兮無歸訪瑤池兮玉馬響  
躡銀渚兮金鶴飛異平生之戀顧非昔時之瞻依嗚  
呼哀哉路出青門佳城新得青烏告吉玄龜協卜信  
山明而水麗發地秘與天作百靈呵禁松栢慈鬱庶  
體魄之安安繇景祿於瓜瓞嗚呼哀哉賢而無壽難  
諶者天原有始則有終自古昔而已然惟懿德之在  
人載彤管而不朽猗芳烈之闡揚傳百世而永久嗚  
呼哀哉

判府事南  
公轍製



